

四庫全書

經部

欽定四庫全書

儀禮集傳集註卷三十二

宋 朱子 撰

王朝禮九

王制之戊 設官

昔者黃帝氏以雲紀故為雲師而雲名

黃帝軒轅氏姬
姓之祖也黃帝

受命有雲瑞故以雲紀事百官師長
皆以雲為名號縉雲氏蓋其一官也

炎帝氏以火紀故

為火師而火名

炎帝神農氏姜姓之祖也亦
有火瑞以火紀事名百官

共工氏以

水紀故為水師而水名

共音供九州者在神農前大皞後亦受

水瑞以水名官

大皞氏以龍紀故為龍師而龍名

大音秦皞胡老反下同

大皞伏羲氏風姓之祖也有龍瑞故以龍命官

少皞摯之立也鳳鳥適至故紀

於鳥為鳥師而鳥名鳳鳥氏歷正也

少詩照反摯音至鳳鳥知天時故

以名歷正之官

玄鳥氏司分者也

玄鳥燕也以春分來秋分去

伯趙氏司至

者也

伯趙伯勞也夏至鳴冬至止

青鳥氏司啟者也

青鳥鷓鴣也以立春鳴立夏正

丹鳥氏司閉者也

丹鳥鶩雉也以立秋來立冬去入大水為蜃上四鳥皆歷正之屬官祝

鳩氏司徒也

祝鳩鷓鴣也鷓鴣孝故為司徒主教民

鳴鳩氏司馬也

鳴七徐反

鴟鳩王鴟也鷲而有
別故為司馬主法制
鴟鳩氏司空也
鴟音尸 鳩音鳩

均故為司空
爽鳩氏司寇也
爽鳩鷹也鷲故為司寇主盜賊
鴟鳩氏司

事也
鶡胡骨反 鶡鳩鶡鶡
五鳩鳩民者也
鶡聚也治民生聚故

以鳩為民
五雉為五工正
五雉雉有五種西方曰鶡雉東方曰鶡雉南方曰鶡雉北方曰鶡雉

伊洛之南
利器用正度量夷民者也
量音亮 夷平也
九扈為

九農正
扈音戶 扈有九種也春扈鳩夏扈竊玄秋扈竊藍冬扈竊黃棘扈竊丹行扈啣宵扈噴

噴桑扈竊脂老扈鷄鷄以九扈為
九農之號各隨其宜以教民事
扈民無淫者也
扈止也

民使不淫放
自顛頊以來不能紀遠乃紀於近為民師而命

以民事則不能故也

顓音專項許玉反顓項氏代少皞者德不能致遠瑞而以民事命

官春秋左氏

傳昭公十七年

傳叔孫昭子問於郟子曰少皞氏烏名官何故也

少皞

金天氏黃帝之子己姓之祖也問何故以烏名官

郟子曰吾祖也我知之仲

尼聞之見於郟子而學之

於是仲尼年二十八

既而告人曰吾

聞之天子失官學在四夷猶信

失官官不修其職也傳言聖人無常師

春秋左氏傳

昭公十七年

古者大撓作甲子黔如作虜首

黔其占反

容成作歷羲和

作占日尚儀作占月后益作占歲胡曹作衣夷羿作弓

羿五祝融作市儀狄作酒高元作室虞姁作舟伯益作

井赤翼作白乘特作駕寒哀作御王采作服牛史皇作

圖巫彭作醫巫咸作筮

著筮

傳曰此二十官者聖王之所以治天下也聖王不能

二十官之事然而使二十官盡其巧畢其能聖王作

上故也

聖王在上官使人人故盡畢其巧能也

聖王之所不能也

用其人得

其任故

其不能其不知也所以知之也

老子曰不知乃養其知之此之謂也

神脩其德而已矣

無所思慮勞神是養神也無狀而能化育萬物謂之德

豈必

勞形愁心弊耳目哉

唐虞稽古建官惟百內有百揆四岳外有州牧侯伯

堯舜

考古以建百官內置百揆四岳象天之有五行外置州牧十二及五國之長上下相維外內咸治言有法庶

政惟和萬國咸寧

官職有序故衆政惟和萬國皆安所以為至治

夏商官倍亦

克用乂

禹湯建官二百亦能用治言不及唐虞之清要

周官

夏商之制天子

三公九卿二十七大夫八十一元士大國三卿皆命於

天子下大夫五人上士二十七人次國三卿二卿命於

天子一卿命於其君下大夫五人上士二十七人小國

二卿皆命於其君下大夫五人上士二十七人

命於天子者天

子選用之如今詔書除吏矣小國亦三卿一卿命於天子二卿命於其君此文似誤脫耳或者欲見畿內之國

二卿與王制

制三公一命卷若有加則賜也不過九命次

國之君不過七命小國之君不過五命

卷俗讀也其通則曰衰三公八

命矣復加一命則服龍衰與王者之後同多於此則賜非命服也虞夏之制天子服有日月星辰周禮曰諸公

之服自衮冕而下如王之服

大國之卿不過三命下卿再命小國之

卿與下大夫一命

不着次國之卿者以大國之下互明之此卿命則異大夫皆同周禮公侯

伯之卿三命其大夫再命子男之卿再命其大夫一命 王制

制農田百畝百畝之

分上農夫食九人其次食八人其次食七人其次食六

人下農夫食五人庶人在官者其祿以是為差也

分扶問反

食音似 農夫皆受田於公田肥瘠有五等收入不同也庶人在官謂府史之屬官長所除不命於天子國君者分或為糞 諸侯之下士視上農夫祿足以代其耕也中士

倍下士上士倍中士下大夫倍上士卿四大夫祿君十

卿祿次國之卿三大夫祿君十卿祿小國之卿倍大夫

祿君十卿祿

此班祿尊卑之差

次國之上卿位當大國之中中

當其下下當其上大夫小國之上卿位當大國之下卿

中當其上大夫下當其下大夫

此諸侯使卿大夫規聘並會之序也其爵位同

小國在下爵異固在上耳

春秋

其有中士下士者數

各居其上之三分

也謂其為介若特行而並會也居猶當也此據大國而言大國之士為上次

國之士為中小國之士為下士之數國皆二十七人各三分之上九中九下九以位相當則次國之上士當大國之中中當其下小國之上士當大國之下凡非命士亦無出會之事春秋傳謂士為微王制

諸

侯之下士祿食九人中士食十八人上士食三十六人

下大夫食七十二人卿食二百八十八人君食二千八

百八十人次國之卿食二百一十六人君食二千一百
六十人小國之卿食百四十四人君食千四百四十人
次國之卿命於其君者如小國之卿天子之大夫為三
監監於諸侯之國者其祿視諸侯之卿其爵視次國之
君其祿取之於方伯之地方伯為朝天子皆有湯沐之
邑於天子之縣內視元士

食音似監古隘反監於古銜
反為于偽反朝直達反給

齋戒自潔清之用浴
用湯沐用潘 王制

傳曰古者天子三公每一公三卿佐之每一卿三大

夫佐之每一大夫三士佐之故天子三公九卿二十

七大夫八十一元士所與為天下者若此而已自三公至

元士凡百二十此夏時之官周之官三百六十禮志曰有虞氏之官五十夏后百殷二百周三百近之未得其實也據夏周推其差則有虞氏之官六十夏后氏百二十殷二百四十周二百六十為有所法

周禮以九儀之命正邦國之位

每命異儀貴賤之位乃正春秋傳曰名位不同

禮亦異數

壹命受職

始見命為正吏謂列國之士於子男為大夫王之下士亦一命鄭司農云受職

治職

再命受服

鄭司農云受服受祭衣服為上士玄謂此受玄冕之服列國之大夫再命於子

男為卿卿大夫自玄冕而下如孤之服王之中士亦再命則爵弁服

三命受位

鄭司農云受下大夫

之位玄謂此列國之卿始有列位於王為王之臣也王之上士亦三命

四命受器

鄭司農云受祭

器為上大夫玄謂此公之孤始得有祭器者也禮運曰大夫具官祭器不假聲樂皆具非禮也王之下大夫亦

四命賜則

鄭司農云則者法也出為子男玄謂則地未成國之名王之下大夫四命出封加一

等五命賜之以方百里二百里之地者方三百里以上為成國王莽時以二十五成為則方五十里合今俗說

子男之地獨劉子駿等識古有此制焉

六命賜官

鄭司農云子男入為卿治一官也玄謂此王六

命之卿賜官者使得自置其臣治家邑如諸侯春秋襄十八年冬晉侯以諸侯圍齊荀偃為君禱河既陳齊侯

之罪而曰曾臣彪將率諸侯以討焉其官臣偃實先後之

七命賜國

王之卿六命出封加一等者鄭

司農云出就侯伯之國

八命作牧

謂侯伯有功德者加命得專征伐於諸侯鄭司農云一州之牧

王之三公亦八命
九命作伯
上公有功德者加命為二伯得征五侯九伯者鄭司農云長諸侯為

方伯宗伯

諸侯之五儀曰上公九命為伯其國家宮室

車旗衣服禮儀皆以九為節侯伯七命其國家宮室車

旗衣服禮儀皆以七為節子男五命其國家宮室車旗

衣服禮儀皆以五為節

上公謂王之三公有德者加命為二伯二王之後亦為上公國

家國之所居謂城方也公之城蓋方九里宮方九百步侯伯之城蓋方七里宮方七百步子男之城蓋方五百步
宮方五百步大行人職則有諸侯圭藉冕
服建常拱纓貳車介冑禮朝位之數焉
王之三公八

命其卿六命其大夫四命及其出封皆加一等其國家

宮室車旗衣服禮儀亦如之

四命中下大夫也出封出畿內封於八州之中加一

等褒有德也大夫為子男卿為侯伯其在朝廷則亦如命數耳王之上士三命中士再命下士一命凡諸

侯之適子誓於天子攝其君則下其君之禮一等未誓

則以皮帛繼子男

適音嫡既命以為之嗣

誓猶命也言誓者明天子樹子不易也春秋桓

九年曹伯使其世子射姑來朝行國君之禮是也公之子如侯伯而執圭侯伯之子如子男而執璧子男之子與未誓者皆次小國之君執皮帛而朝會焉其賓之皆以上卿之禮焉諸臣五等之命曰

公之孤四命以皮帛眡小國之君其卿三命其大夫再

命其士壹命其宮室車旗衣服禮儀各眡其命之數侯

伯之卿大夫士亦如之子男之卿再命其大夫壹命其

士不命其宮室車旌衣服禮儀各祗其命之數

祗音示視小

國之君者列於卿大夫之位而禮如子男也鄭司農云九命上公得置孤卿一人春秋傳曰列國之卿當小國

之君固周制也典命

周立太師太傅太保茲惟三公論道經

邦變理陰陽

變息列反師天子所師法傅傅相天子保保安天子於德義者此惟三公之任佐

王論道以經緯國事和理陰陽言有德乃堪之

官不必備惟其人

三公之官不必備員惟其

人有德乃以處之

少師少傅少保曰三孤

少詩照反名曰三孤

孤特也言此三官

卑於公尊於卿特置此三者

貳公弘化寅亮天地弼予一人

副貳三公弘大

道化敬信天地之教

冢宰掌邦治統百官均四海

天官卿稱

大宰主國政治統理百官均平四海之內邦國言任大

司徒掌邦教敷五典擾兆

民地官卿司徒主國教化布五常之教以安和天下衆民使小大協睦

宗伯掌邦禮治神

人和上下

春官卿宗廟官長主國禮治天地神祇人鬼之事及國之吉凶軍賓嘉五禮以和上下尊

卑等列 司馬掌邦政統六師平邦國

夏官卿主戎馬之事掌國征伐統正六軍

平治王邦四方國之亂者 司寇掌邦禁誥姦惡刑暴亂

憲吐得反秋官卿主寇

賊法禁治姦惡刑強暴作亂者夏司馬討惡助長物秋司寇刑姦順時殺

司空掌邦土居四

民時地利

冬官卿主國空土以居民士農工商四人使順天時分地利授之土能吐生百穀故曰土

六卿分職各率其屬以倡九牧阜成兆民

倡昌亮反
六卿各率其

屬官大夫士治其所分之職以倡道九州
伯為政大成兆民之性命皆能其官則政治

周禮之

畧惟王建國

建立也周公居攝而作六典之職謂之周
禮營邑於土中七年致政成王以此禮授

之使居雒邑治天下司徒職曰日至之景尺有五寸謂
之地中天地之所合也四時之所交也風雨之所會也

陰陽之所和也然則百
物阜安乃建王國焉

辨方正位

辨別也鄭司農云別
四方正君臣之位君

南面臣北面之屬立謂考工匠人建國水地以縣置禁
以縣視以景為規識日出之景與日入之景畫參諸日

中之景夜考之極星以正朝夕是別四方召誥曰越三
日戊申太保朝至于洛下宅厥既得下則經營越三日

庚戌太保乃以庶殷攻位於雒汭越
五日甲寅位成正位謂此定宮廟

體國經野

體猶分
也經謂

為之里數鄭司農云營國方九里國中九經九緯左祖右社面朝後市野則九夫為井四井為邑之屬是也

設官分職

鄭司農云置冢宰司徒宗伯司馬司寇司空各有所職而百事舉

以為民極

極中也合天下之人各得其中不失其所 今按極謂標準也

乃立天官冢宰使帥

其屬而掌邦治以佐王均邦國

掌主也邦治王所以治邦國也佐猶助也鄭司

農云邦治謂總六官之職也故大宰職曰掌建邦之六典以佐王治邦國六官皆總屬於冢宰故論語曰君薨

百官總已以聽於冢宰言冢宰於百官無所不主爾雅曰冢大也冢宰大宰也

大宰卿一人

音大 泰後同 掌建邦之六典以佐王治邦國以八法治官府以八則治都鄙以八柄詔王馭羣臣以八統詔王馭

萬民以九職任萬民以九賦斂財賄以九式均節財用以九貢致邦國之用以九兩繫邦國之民

小宰

中大夫二人

掌宮刑及王宮之政令糾禁掌六典八法八則九貢九賦九式之貳六叙六屬六職

六聯八

宰夫下大夫四人

掌治朝之法羣吏之治辨八職

宮正

掌王

戒令糾禁官

宮伯

掌王宮士庶子之政令

膳夫

掌王之食飲膳羞以養王及后

世子食官

庖人

庖扶交反共膳羞之物

內饗

饗於容反下同掌王及后世子之

割亨 外饗

掌外祭祀之割亨及賓客之飧饗饗食

亨人

亨普庚反掌饗亨者

甸

師甸田遍反

掌耕王籍共蠶盛蕭茅果蔬薪蒸共野物官之長也

獸人

掌罟田獸獸人獸音

魚 鱉人

掌取巨物

腊人

掌乾肉 醫師 掌醫之政令 食醫

掌和王之 疾醫

掌養萬民之疾病

瘍醫

瘍音羊掌療瘍

獸醫

掌療獸

酒正

掌酒之政令酒官之長也其屬皆奄奴唯凌人用士

酒人

掌為酒齊漿人六飲

人

凌力證反

籩人

掌籩實

醢人

醢呼在反

醢人

醢呼西反

醢人

凡醢

物

鹽人

掌鹽之政令

冪人

冪莫歷反掌冪巾冪

宮人

掌王之六寢之修寢舍之

長也

掌舍

掌王之舍

幕人

掌帷幕帷帶綬

掌次

次自脩正之處

大府

下大

夫

受頌其貨賄治藏之長也

玉府

器凡良貨賄之藏

府

掌受九貢九賦九功之貨賄良兵良器

外府

掌邦布之入出

司會

中大夫會

外反

九賦九功九式之法計官之長也

司書

掌六典八法

正九事

邦中之

職內

掌邦之

職歲

掌邦之

職幣

掌式法以斂幣

版土地之圖

司裘

掌為裘及射侯與邦之皮事

掌皮

掌斂頌

內宰下大夫

掌

內之政令教陰禮教婦職贊后禮佐后立市詔后蠶及王種棿之種宮中官之長也

命奄閹人閹音昏王宮中門之禁寺人掌內人及女士也

掌內外之通九嬪嬪音頻掌婦學之法不列令凡小事

紀賓客喪女御掌御叙于女祝掌王之無職也世婦祭

職內治之貳以典婦功掌婦式之法主典絲掌絲之

詔后治內政

典采總縷紵麻草之物內司服命婦之服主宮中裁縫官之縫人縫扶用反掌染人染如艷反追師追

回反掌王后及履人外內命夫婦之履夏采掌染

及大喪乃立地官司徒使帥其屬而掌邦教以佐王之復

安擾邦國教所以親百姓訓五品有虞氏五而大司徒

卿一人鄙之數而制其畿疆社稷以土會之法辨五地

之物生因此以施十二教以土宜之法辨十二土而相

制地征以土圭之法建王國制邦國造都鄙以荒政十

職于邦國都鄙以鄉三物五禮小司徒中大夫二人掌

六樂教萬民以鄉八刑糾萬民小司徒中大夫二人建

邦之教法以稽國中及四郊都鄙之夫家九比之數會

萬民之卒伍以起軍旅作田役比追胥令貢賦均土地

以知其民數經土
地而井收其田野
鄉師下大夫四人
各掌所治

鄉老

二鄉則公一人鄉大夫每鄉則卿一人
萬二千五百家為鄉凡六鄉鄉

大夫掌其鄉之政教禁令
州長每州中大夫一人
長丁丈反二千五百家為州凡三

十州州長各掌其州之教治政令
黨正每黨下大夫一人
凡五百家為黨

黨正各掌其黨之政令教治
族師每族上士一人
百家為族凡七百五十族族師各掌

其族之戒
閭胥每閭中士一人
二十五家為閭凡三千

令比長五家下士一人
比毗志反五家為比凡一萬

封人
掌設王社壝及畿封樹
鼓人
教六鼓四金之音

正田役舞師教兵舞牧舞羽牧人收祭祀牛人養公充人牛

繫祭祀之牲載師掌任土之法閭師掌國中四郊人民六

其縣師掌邦國都鄙人民田遺人遺於季反掌均人賦縣師

掌均地政地守地職師氏中大夫掌以徽詔王以德行教國子

守王門諫教官之長也保氏下大夫儀教國子守王闈司諫糾

民之德正其行而強之道藝司救掌萬民之表惡調人司萬民之難

媒氏掌萬民之判令司市下大夫掌市之治教政刑

長質人掌成市之貨賄質廛人廛直連反胥師各掌

也劑書契度量溥制廛人掌斂市布胥師其及

之政 賈師賈音古 各掌其 司疏疏音暴 掌 司稽掌

市而察其犯 胥各掌所 肆長長丁丈反 各 泉府掌錢

滯貨以待買 與賕貸者 司門下大夫掌投管鍵以啟閉國 司關

掌國貨 掌節以輔王命 遂人中大夫掌經田野造縣

使各掌其政令簡其兵器教之稼穡以令 遂師下大夫

貢賦師田政役之事六 遂都鄙官之長也 遂師下大夫

四人 各掌其遂之政令戒 遂大夫每遂中大夫一人二萬

千五百家為遂凡六 遂大夫各掌其 縣正每縣下大夫

一人 二千五百家為縣縣正各掌 鄙師每鄙上士一人

五百家為鄙鄙師各鄮長每鄮中士一人鄮作管反
掌其鄙之政令祭祀

長各掌其里宰每里下士一人二十五家為里里宰掌
鄮之政令比其邑之眾寡六畜兵

器合耦于耤以治稼穡鄰長五家一人五家為鄰鄰長旅師掌

野之粟春頌稍人稍所教反掌委人委人委於偽反掌野之賦斂薪

芻木土均掌平土草人掌土化稻人掌稼土訓掌道

道地誦訓掌道方志山虞掌山林之政令林衡掌巡

而平川衡掌巡川澤澤虞掌國澤迹人掌邦田升人升

猛反掌金角人徵齒羽人徵羽掌葛徵絺掌染草掌

玉錫石之地

炭掌荼掌蜃園人場人

掌場園

廩人下大夫

掌九穀之數穀官之

長舍人

掌平宮中之穀

倉人

掌粟入之藏

司祿司稼

掌巡野觀稼以年上下出斂法

春人

共饋

人

饋尺志反共盛

稟人

稟苦報反外朝冗食者之食

共內

乃立

春官宗伯使帥其屬而掌邦禮以佐王和邦國大宗伯

卿一人

掌以吉禮事鬼神示以凶禮哀邦國之憂以賓禮親邦國以軍禮同邦國以嘉禮親萬民以九

儀之命正邦國之位以六瑞等邦國以六摯等諸臣以六器禮天地四方以中禮和樂教萬民事鬼神致百物

小宗伯中大夫二人

掌建國之神位掌五禮之禁令辨廟祧之昭穆辨五服車旗宮室辨

三族之親疏掌其門子之政令毛六牲辨六齎六彝六尊

肆師下大夫四人

掌立國祀之禮

序其祭祀

鬱人鬱於物反 裸器和鬱壘

壘人壘勅亮反 共拒壘 雞人共雞

尊彝

掌六尊六彝

司几筵掌五几

天府掌祖廟 典瑞掌玉

之藏

典命掌諸侯五儀諸

司服掌王之吉

典祀掌外

兆守祧守先王之廟祧

世婦每宮卿二人下大夫四人掌

及祭祀

內宗掌宗廟之祭祀薦加豆籩

外宗掌宗廟之祭祀佐后薦豆籩

冢人

下大夫掌公墓

墓大夫下大夫掌邦

職喪掌凡有爵者之喪

大

司樂中大夫

掌成均之法以治建國之學政以樂德樂

舞大合樂以致鬼神示和邦國諧萬民作動物禁淫聲樂官之長也 樂師下大夫掌國學

國子小舞
教樂儀

大胥

掌學士之版
以待致諸子

小胥

掌學士之徽
令而比之

大師下

大夫

掌六律六
同教六詩

小師

掌教鼓鼗祝
歌蕭管絃歌

瞽矇

瞽音蒙
掌鼓祝歌壎蕭琴

瑟及九德
六詩之歌

眠瞭

眠音視瞭音了
掌凡樂事相替

典同

掌為樂器
磬師鐘師

笙師

搏師

鞀師

鞀音妹
教鞀樂

旄人

教舞散
夷樂

籥師

吹籥籥章

掌土鼓
暑迎寒祈年祭蜡
幽籥以逆

鞀鞀氏

鞀丁兮反鞀九
具反掌夷樂
典庸

器

掌藏庸
器樂器

司干

掌舞
器

大卜

掌三兆三易三夢
之法以邦事作八

命卜筮官
之長也

卜師

掌開龜
之四兆

龜人

掌六龜之屬
取之

筮氏

筮時
隨反

焦契
掌共

占人

掌占
龜筮

筮人

筮音筮
易以辨九筮
掌三

占夢

占六
夢

眠祲

禮子煇反又且社反

掌十輝以觀妖祥

大祝下大夫

掌六祝六祈作六辭辨六號九祭九

擗祝官之長也

小祝掌小祭之祝號

喪祝掌大喪勸防之事

甸祝掌表貉之祝號詛祝

掌盟詛類造攻說禮榮之祝號

司巫

掌羣巫之政巫官之長也

男巫女巫大史

下大夫

掌建邦之典法則正歲年以序事頒告朔于邦國史官之長也

小史掌邦國之志馮

相氏

馮音憑相息亮反掌歲月辰日星之位

保章氏

掌志星辰日月之變

內史中大

夫王治書王命

外史

掌書外令四方之志三皇五帝之書達書名于四方

御史邦

國都鄙萬民之治令以贊冢宰

巾車下大夫

掌公車之政令典路掌五車僕

掌車路之萃

司常

掌九旗

都宗人

掌都祭之禮

家宗人掌家祭之禮凡

以神仕者無數 乃立夏官司馬使帥其屬而掌邦政

以佐王平邦國大司馬卿一人

掌建邦國之九法以佐王平邦國以九伐之法

正邦國以九畿之籍施邦國之政教振旅發舍治兵大閱大合軍以行禁令以救無辜伐有罪小司馬

中大夫二人軍司馬下大夫四人輿司馬行司馬 軍

將命卿

將去聲五百人為一軍

萬二千

師帥中大夫

帥所類反下同二千五百人

為旅帥下大夫

五百人為旅

卒長上士

長丁丈反百人為卒

兩司馬

中士

二十五人為兩

伍長

長丁丈反五人為伍

司勳

掌六卿賞地以等功

馬質

掌質

量人

量音亮建國之法

掌

小子

掌祭祀羞羊殺肉且

羊人

掌羊牲

燿燿古喚反掌行火之政令

掌固掌脩城郭溝池渠之固而頌其守司險掌九州山

林川澤之阻設溝塗而樹之皆有守禁掌疆候人各掌其方之道治環人掌致師察

軍挈壺氏挈壺以令軍井射人下大夫掌公卿大夫將射見王之位以射法治射

儀服不氏養猛獸射鳥氏射食亦反羅氏羅鳥掌畜畜許六反

鳥司士下大夫掌羣臣之版正朝儀之位衛官之長也諸子下大夫掌國

子之倅子之倅司右掌羣右之政令虎賁氏下大夫賁音奔先後王而趨旅賁氏

賁音奔夾王車節服氏維王之太常方相氏掌時太僕中大夫

掌正王之服位出入王之大命建路鼓以達窮者及遽令僕官之長也小臣掌王之小命相王之小法

儀祭僕掌眠祭祀而御僕掌羣吏之逆隸僕掌廟寢掃

事弁師掌五冕司甲下大夫兵官之長也司兵掌五兵五盾

戈盾盾常允反司弓矢天下大夫司弓官之長也繕人掌王之弩稟人

稟古老反齊弓矢之工掌戎右中大夫古參乘也齊右下大

夫齊側皆反道右掌前道車大馭中大夫馭音御戎

僕中大夫掌馭戎車齊僕齊側皆反道僕掌馭象路田僕掌馭田路

馭夫掌馭貳車從車使車校人中大夫校戶教反馭趣

馬趣七走反巫馬掌養牧師度人度所求反

掌贊正良馬疾馬地掌十有二閑

之政

教 圉師

同 圉 魚 呂 反 下 教 養 馬

圉人

掌 養 馬

職方氏中大夫四

人下大夫八人

掌 天 下 之 圖 辨 九 州 九 服 之 國 主 四 方 官 之 長 也

土方氏

掌 土 圭 之

法 以 相 宅 建 邦 國 都 鄙

懷方氏

掌 來 遠 民

合方氏

掌 遠 道 路 同 數 器

訓方氏

掌 道

四 方 之 政 事

形方氏

掌 制 邦 國 之 地 域

山師

掌 山 林 名 物

川師

掌 川 澤 名 物

師

違 音 元 方 之 地 名 名 物

匡人

掌 達 法 則 匡 邦 國

撝人

撝 他 南 反 誦 王 志 巡 邦 國 掌

都司馬

掌 都 之 車 馬 兵 甲

家司馬

乃立秋官司寇使帥其

屬而掌邦禁以佐王刑邦國大司寇卿一人

掌 建 三 典 以 誥 四 方

以 五 刑 糾 萬 民 以 園 土 教 罷 民 以 兩 造 禁 民 訟 以 雨 劑 禁 民 獄 以 嘉 石 平 罷 民 以 肺 石 達 窮 民 小 司 寇

中大夫二人

掌外朝之政以詢萬民以五聽求民情以八辟附刑罰以三刺斷獄訟

士師

下大夫四人

掌以五禁左右刑罰以五戒先後刑罰掌士之八成鄉士各掌其鄉

遂士

各掌其遂之獄訟

縣士

各掌其縣之獄訟

方士

掌都家之獄訟

訝士

掌四

獄訟

朝士

朝直遙反掌外朝之法

司民

掌登萬民之數

司刑

掌五刑之法

司

刺

掌三刺三宥三赦之法

司約

約於妙反國萬民之約劑

司盟

掌盟載

職金

掌凡金玉錫石丹青之戒令

司厲

掌盜賊之任器貨賄

犬人

掌犬牲

司

圜

收教罷民

掌囚

守盜賊

掌戮

掌殺戮

司隸

掌五隸

罪隸

役百官

蠻隸

役校

閩隸

閩莫申反役畜養鳥

夷隸

役牧人

貉隸

貉孟百反役服不氏

布

憲掌憲刑禁禁殺戮掌司斬殺戮者禁暴氏掌禁庶民之亂暴野廬氏掌達道路

蜡氏蜡清頸反掌除鼯雍氏雍於勇反溝瀆滄池之禁萍氏掌水禁幾酒謹酒司

寤氏掌夜時司烜氏烜音毀明水火修火禁條狼氏條音滌執鞭以趨辟掌

脩閭氏掌比國中宿互椽者冥氏掌攻猛獸庶氏庶音煮除毒蠱穴氏攻蟻獸

翼氏翼音翅失鼓反柞氏柞側百反攻草木雞氏雞他計反殺草誓族

氏誓音摘族倉獨反覆天鳥之巢翦氏除蟲物赤友氏友音跋除牆屋蝮氏

蝮古獲反去龜通壺涿氏涿陟角反除水蟲庭氏射天銜枝氏司伊耆

氏共杖威大行人中大夫掌大賓大客之禮儀以親諸侯此以下皆主賓客之官

小行人下大夫

掌禮籍以待四方之使者
達六節成六瑞合六幣

司儀

掌九儀
以詔賓

容擯相儀容辭
令揖讓之節

行夫

掌邦國傳
遽之小事

環人

掌送迎
賓客

象胥

掌以
節與

幣巡諸侯
及萬民

掌客
掌訝
掌交
掌察
掌貨
賄朝大夫

朝直選
反掌

都家之
國治

都則都士家士

冬官司空亡考工之屬攻木

之工輪人

為輪
為蓋

輿人

為車
為未

輶人

輶張留反
為輶

廬人

為廬
器

匠人

建國營國
為溝洫

弓人

為弓
為梓

為侯為筍
為飲器

攻金之工

築氏

為
削

冶氏

為殺
矢

鳧氏

為
鐘

栗氏

古栗字
為量

段氏

段丁亂
反為

錡桃氏

為
劍

攻皮之工函人

為
甲

鮑人

鞞音運
為車陶

韋氏

裘氏設色之工畫績鐘氏

染羽篋人

篋音匡

幌氏

幌莫黃反凍絲

刮摩之工

刮古八反

玉人柳人

柳側筆反

雕人磬氏

為磬

矢人

為矢

搏

植之工

搏音團一音博填時職反

陶人

為甌

旒人

瓦甫往反為篋

凡執技

以事上者祝史射御醫卜及百工

言技謂此七者

凡執技以事

上者不貳事不移官

欲專其事亦為不德

出鄉不與士齒

賤也於其鄉中

則齒親

任於家者出鄉不與士齒

亦賤

儀禮集傳集註卷三十二

欽定四庫全書

經部

儀禮集傳集註卷三十五

詳校官尚書臣德保

總校官進士臣繆琪

校對官監丞臣張魯炳

謄錄監生臣錢雋選

欽定四庫全書

儀禮集傳集註卷三十三

宋 朱子 撰

王朝禮十

王制之已建侯

凡建邦國大司徒以土圭土其地而制其域

見王制篇其與周禮

不同者鄭氏土方氏以土地相其宅

相息亮反土地猶度地知東西南

北之深而相其可居者宅居也量人以建國之法量其城郭宮室市朝

道巷門渠

量音亮朝直遙反有舊法式若匠人職云

立國

太祝先告后土用

牲幣

后土社神也

封人設其社稷之壝而封其四疆

壝維癸反

匠人營國方九里

鄭氏曰公之城方九里宮廣九

百步侯伯之城方七里宮廣七百步子男之城方五

里宮廣五百步

費誓曰魯人三郊三遂

費音秘疏曰三郊

三遂謂魯人三軍周禮司徒萬二千五百家為鄉司馬法萬二千五百人為軍小司徒云凡起徒役無過

家一人是家出一人一鄉為一軍天子六軍出自六鄉則諸侯大國三軍亦當出自三鄉也周禮又云萬

二千五百家為遂遂人職云以歲時稽其人民簡其兵器以起征役則六遂亦當出六軍鄉為正遂為副

耳鄭衆云六遂之地在王國百里之外然則王國百里為郊鄉在郊內遂在郊外釋地云邑外謂之郊豫炎曰邑國都也設百里之國去國十里為郊則諸侯之制亦當鄉在郊內遂在郊外此言三郊三遂者三郊謂三鄉也蓋使三鄉之民分在四郊之內三遂之民分在四郊之外鄉近於郊故以郊言之 書大

傳曰古者百里之國三十里之遂二十里之郊九里之城三里之宮七十里之國二十里之遂九里之郊三里之城一里之宮五十里之國九里之遂三里之

郊一里之城以城為宮

遂郊之門執禁以譏異服譏異言城或疑焉匠人云國方

九里謂天子城也今大國九里則與天子同春秋傳曰中五之一小九之一以此推說小國大都之城方

百步中都之城六十步小都之城三十三步三分之一非也然則大國七里之城小國三里之城焉為近可也或者天子實十二里城諸侯諸侯之宮三門

三朝其外門曰皋門次曰應門又次曰路門應應對之應

鄭氏曰有庫雉無皋應其皋門內曰外朝應門內曰內朝路門

內曰路寢之朝記曰諸侯朝服以日視朝於內朝退

適路寢聽政鄭氏曰天子諸侯皆三朝此內朝者路

門外之正朝猶天子之治朝也路寢則猶天子之內

朝而中門之外又自有外朝也

朝直遙反

命諸侯王位設黼依依前南鄉設莞筵紛純加纁席畫

純加次席黼純左右玉几

黼音甫依於豈反鄉音嚮莞音官純章允反纁音早斧

謂之黼其纁白黑采以絳帛為質依其制如屏風然於
依前為王設席左右有几優至尊也鄭司農云紛讀為
亟又讀為和粉之粉謂白纁也純讀為均服之均純綠
也纁讀為藻率之藻次席虎皮為席書顧命曰成王將
崩命大保芮伯畢公等被冕服憑玉几玄謂紛如綬有
文而狹者纁席削蒲翦展之編以五采若今合歡矣畫
謂雲氣也次席桃文宗伯饋饋必办反饋進之也王將
出命假祖廟立依前南鄉饋
者進當命者延之命使登內史由王右以策命之降再
拜稽首登受策以出此其畧也諸侯爵祿其臣則於祭

馬內史策命之

鄭司農說以春秋傳曰王命內史叔興
父策命晉侯為侯伯策謂以簡策書王

命其文曰王謂叔父敬服
王命以綏四國糾避王慝

傳衛子魚曰武王克商成王定之選建明德以蕃屏

周故周公相王室以尹天下

蕃方元反相息亮反尹正也

於周為

睦

睦親厚也以盛德見親厚

分魯公以大路大旂

魯公伯禽也此大路金路錫同

姓諸侯車也交龍為旂周禮同姓以封

夏后氏之璜

璜音黃璜美玉名

封父之

繁弱

父音甫封父古諸侯也繁弱大弓名

殷民六族條氏徐氏蕭氏

索氏長勺氏尾勺氏使帥其宗氏輯其分族將其類

醜

索素各反勺示灼反輯音集醜衆也

以法則周公用即命於周

就即

也使六族就周受周公之法制是使之職事於魯共魯公之職事以昭周公

之明德

昭顯也

分之土田陪敦

陪步回反增也敦厚也

陪祝宗卜

史

大祝宗人大卜大史凡四官

備物典策

典策春秋之制

官司彝器

官司百官

也彝器常用器

因商奄之民

商奄國名也與四國流言或迸散在魯皆今即屬魯懷柔之

命以伯禽

伯禽周公世子時周公皆以付伯禽

今按下文康誥唐誥則伯

禽亦而封於少皞之虛

少詩照反皞胡老反虛起居反少皞虛曲阜也在魯城

內分康叔

康叔衛之祖

以大路少帛績蒺旃旌

少詩照反績七見反

蒺步貝反蒺章然反大赤取染草名也

通帛為旃析羽為旌

大呂鐘殷

氏七族陶氏施氏繁氏錡氏樊氏饑氏終葵氏封畛

土略自武父以南及圃田之北竟

繁步河反錡魚豈反畛之忍反父音

甫竟音境 畛塗所徑也畧界也武父衛北界圃田鄭藪名

取於有閭之上以共

王職

共音恭 有閭衛所受朝宿邑蓋近京畿

取於相土之東都以會王

之東蒐

相息亮反 為湯沐邑王東巡狩以助祭泰山

聃季授土

聃乃甘反 聃季周

公弟陶叔授民

陶叔司徒

命以康誥而封於殷虛

虛起居康反

誥周書殷虛朝歌也

皆啓以商政疆以周索

皆魯衛也啓開也居殷故地因其風

俗開用其政疆理土地以周法索法也

分唐叔

唐叔之祖

晉以大路密須之

鼓密須闕鞏

鞏九勇反 甲名

姑洗

洗息典反 鐘名

懷姓九宗職

官五正

懷姓唐之餘民九宗一姓為九族職官五正五官之長

命以唐誥而封

於夏虛

虛起居反 也夏虛大夏今太原晉陽也

唐誥命篇名

啓以夏政

亦因夏風

俗開用

疆以戎索

太原近戎而寒不與中國同故自以戎法 今按策命晉文公乃為

侯伯非封國也伯禽唐誥之篇今亦亡逸而康誥又非策命唯微子蔡仲之命乃封國策命之詞也 左

氏定公四年

冢宰施六典於邦國建其牧立其監設其參傅其伍陳

其殷置其輔

監古陷反參七南反傅音附 德者加命作州長謂之牧所謂

侯伯有功八命作牧

者監謂公侯伯子男各監一國參謂卿三人伍謂大夫五人殷衆也謂衆士也王制諸侯上士二十七人其中士下士各居其上之三分輔府史庶人在官者余按監疑謂天子大夫為三監者蓋謂之邦國則固已有君矣但建牧立監以總之設卿大夫士吏以輔之耳

牧誓曰司徒司馬司空左氏曰魯季孫為司徒叔孫為司馬孟孫為司空內則曰后王命冢宰降德於衆兆民左氏又曰宋華元為右師魚石為左師蕩澤為司馬華喜為司徒公孫師為司城向為人為大司寇鱗朱為少司寇向帶為太宰魚府為少宰

華胡化反
向所亮反

少詩照反 今按牧誓所言蓋未克商時侯國之官
故內則以冢宰敷教而鄭氏以為諸侯并六卿為三
故以司徒兼冢宰皆諸侯三卿之證也唯宋得備六
官說者以為二王之後得用天子制度理或然也

以九貢致其用 一曰祀貢 二曰嬪貢 三曰器貢 四曰幣

貢 五曰材貢 六曰貨貢 七曰服貢 八曰游貢 九曰物貢

嬪音頻 嬪故書作賓 鄭司農云祀貢犧牲包茅之屬
賓貢皮帛之屬 器貢宗廟之器 幣貢繡帛材貢木材也

貨貢珠貝自然之物也 服貢祭服 游貢羽毛 物貢九州
之外各以其所貴為摯 肅慎氏貢楛矢之屬是也 玄謂

嬪貢絲枲器貢銀鏡石磬丹漆也 幣貢玉馬皮帛也 材
貢樵幹栝柏篠簜也 貨貢金玉龜貝也 服貢締紵也 游

讀如園游之游 游貢燕好珠璣 以九兩繫其民 一曰牧
琅玕也 物貢雜物魚鹽橘柚

以地得民二曰長以貴得民三曰師以賢得民四曰儒

以道得民五曰宗以族得民六曰主以利得民七曰吏

以治得民八曰友以任得民九曰藪以富得民

長丁丈反藪素

口反 兩猶耦也所以協耦萬民繫聯綴也牧州長也九州各有封域以居民也長諸侯也一邦之貴民所仰

也師諸侯師氏有德行以教民者儒諸侯保氏有六藝以教民者宗繼別為大宗收族者鄭司農云主謂公卿

大夫世世食采不絕民稅薄利之玄謂利讀如上思利民之利謂以政教利之吏小吏在鄉邑者友謂同井相

合耦勸作者孟子曰鄉田同井出入相友守望相助疾病相扶持則百姓親睦藪亦有虞掌其政令為之厲禁

使其地之民守其材物以時入於王府頌其餘於萬民富謂藪中材物

大祝頌祭號於

邦國都鄙

祭號六號

太史頒告朔於其國

天子班朔於諸侯諸侯藏之祖

廟至朔朝於廟告而受行之鄭司農曰頒讀為班班布也

也以十二月朔布告天下諸侯故春秋傳曰不書日官失之也

記曰諸侯皮弁以聽朔於太廟春秋魯文公六年閏

月不告朔猶朝於廟

朝直遙反

十六年夏五月公四不視

朔論語子貢欲去告朔之餼羊子曰爾愛其羊我愛

其禮

餼許氣反

傳曰諸侯受十二月朔政於天子藏於大

祖廟每月朔朝廟使大夫南面奉天子命君北面而

受之此時使有司先告朔慎之至也受於廟者孝子
歸美先君不敢自專也言朝者緣生以事死親在朝
朝莫夕已死不敢滌鬼神故也必於朔者感月始生

而朝也

朝朝上如字下直遙
反莫音暮滌息列反

大宗伯以九儀之命正邦國之位壹命受職再命受服
三命受位四命受器五命賜則六命賜官七命賜國八
命作牧九命作伯註見說
官篇典命掌其五儀曰上公九
命為伯其國家宮室車旗衣服禮儀皆以九為節侯伯

七命其國家宮室車旗衣服禮儀皆以七為節子男五

命其國家宮室車旗衣服禮儀皆以五為節王之三公

八命其卿六命其大夫四命及其出封皆加一等其國

家宮室車旗衣服禮儀亦如之 大司馬掌建邦國之

九法以佐王平邦國平成也制畿封國以正邦國封謂立封

於疆為界設儀辨位以等邦國儀謂諸侯及諸臣之儀進賢

興功以作邦國興猶舉也作起也起其勸善樂業之心使不惰廢建牧立監以

維邦國監古陷反牧州牧也監監一國謂君也維猶聯結也制軍詰禁以糾邦

國詰猶窮治也 施貢分職以任邦國職謂賦稅也任猶事也事以其力之

所簡稽鄉民以用邦國 簡謂比數之 均守平則以安邦

國諸侯有土地者均之尊者守大卑者守小則法也 比小事大以和邦國比此

小比猶親使大國親小國 又使其屬合方氏者達其道

路津梁相湊 通其財利茂遷其 同其數器權衡不得 壹

其度量量音亮 尺文釜 除其怨惡惡烏路反 怨 同

其好善好呼報反 善謂風俗所高尚 擗人者誦王志道國之政

事以巡天下之邦國而語之擗吐南反語魚據反 道猶言也以王之志與政事

諭說諸侯使不迷惑

使萬民和說而正王面

說音悅面猶鄉也使民之心曉而正鄉

王

司服辨其服曰公之服自衮冕而下如王之服侯

伯之服自鷩冕而下如公之服子男之服自毳冕而下

如侯伯之服

鷩音滅反毳昌銳反

典瑞掌其瑞曰公執桓圭侯執

信圭伯執躬圭子執穀璧男執蒲璧

信音申

中車掌其

車曰金路以封同姓象路以封異姓革路以封四衛木

路以封蕃國

以上註見名器篇

大宗伯以脤膳之禮親兄弟

之國

脤時思反膳音煩脤膳社稷宗廟之肉以賜同姓之國同福祿也兄弟有共先王者魯定公十四

年天王使石尚來歸服

以賀慶之禮親異姓之國

異姓王昏姻甥舅

以賓

禮親邦國

親謂使之相親附賓禮之別有八

曰春見曰朝夏見曰宗秋

見曰覲冬見曰遇時見曰會殷見曰同時聘曰問殷覲

曰視

見賢遍反朝直遙反覲他弔反註見朝狩篇

以軍禮同邦國曰大師之

禮用衆也大均之禮恤衆也大田之禮簡衆也大役之

禮任衆也大封之禮合衆也

註見軍禮篇

曰以凶禮哀其憂

哀謂救患分裁凶禮之別有五

以喪禮哀死亡

哀謂親者服焉疏者含禭

以荒禮哀

凶札

札側八反登君膳不祭肺馬不食穀馳道不除祭事不聽大

荒人物有害也曲禮曰歲凶年穀不

馳道不除祭事不聽大

夫不食梁士飲酒不樂
札讀為截截謂疫癘

以吊禮哀禍哉

禍哉謂遭水火
宋大水魯莊公

使人弔焉曰天作淫雨害於衆盛如何不弔廐焚孔子拜鄉人為火來者拜之士一大夫再亦相弔之道以

禮禮哀圍敗

禮戶外反同盟者合會財貨以更其所喪春秋襄三十年冬會於澶淵宋哉故是

類以恤禮哀寇亂

恤憂也鄰國相憂兵作於外為寇作於內為亂

大司馬以

九伐之法正邦國馮弱犯寡則書之賊賢害民則伐之

暴內陵外則壇之野荒民散則削之負固不服則侵之

賊殺其親則正之放弑其君則殘之犯令陵政則杜之

外內亂鳥獸行則滅之

馮皮冰反音所景反壇音善行下孟反註見軍禮篇以上

並周禮

書曰三載考績三考黜陟幽明其訓曰三歲而小考者正職而行事也九歲而大考者黜無職而賞有功也其賞有功也諸侯賜弓矢者得專征賜鈇鉞者得專殺賜圭璜者得為鬯以祭不得專征者以兵屬於得專征之國

鈇方于反鉞音越璜才旦反鬯勅亮反春秋傳曰魯賦八百邾賦六百以屬於晉由是也不得專殺

者以獄屬於專殺之國不得賜圭璜者資鬯於天子之

國然後祭

資取資也請于上也

又曰諸侯得專征者鄰國有臣弑

其君孽伐其宗雖有請於天子而征之可也征而歸其

地於天子

孽魚列反也宗適子也

征伐也諸侯之有不率正者天

子紂之

紂音出率循也正令也

一紂少紂以爵

謂三年時也言再少紂明以漸也

紂少紂以地

謂六年時也

三紂而地畢

周平王錫晉文侯柎鬯一卣彤弓一彤矢百盧弓一

盧矢百馬四匹

柎音巨鬯敕亮反卣由手反彤徒冬反黑黍曰柎釀以鬯草不言圭瓚

可知卣中罇也當以錫命告其始祖故賜鬯形亦盧黑也馬四匹曰乘書文侯之命

齊桓

公會諸侯於葵丘王使宰孔賜齊侯胙

胙音祚祭肉尊之比

二王後賞服大路龍旂九旒渠門赤旂

旂音祈旒音流大路謂金路

鈎樊纓九就龍旂畫交龍於繆也正幅為繆旁屬為
 梳鈎婁領之鈎樊馬大帶纓當胸削革為之皆以五
 采屬飾之九就就成也渠門兩旗所
 建以為軍門若今牙門也 齊語 晉文公以諸

侯之師及楚人戰於城濮楚師敗績獻楚俘於王駟

介百乘徒兵千人

濮音卜乘去聲 駟介四馬被甲徒兵步卒

王命尹氏

及王子虎內史叔興父策命晉侯為侯伯

父音甫以策書命

晉侯為伯也周禮九命作伯尹氏王子虎皆王卿士也叔興父大夫也三官命之以寵晉

賜之大

輅之服戎輅之服

輅音路戎車二輅各有服

大輅金輅戎

彤弓一彤

矢百旅弓矢千

彤徒冬反旅音盧弓一夫百則夫千弓十矣諸侯賜弓

彤赤弓旅黑弓

矢然後 拒鬯一卣

拒音巨鬯敕亮反卣由手反 拒專征伐 黑黍鬯香酒所以降神卣器名

虎賁三百人曰王謂叔父敬服王命以綏四國糾逃

王慝

賁音奔逃敕力反慝吐得反 逃遠也有惡於王者糾而遠之

晉侯三辭從命

曰重耳敢再拜稽首奉揚天子之丕顯休命

重直龍反稽音

啓 稽首首至地 丕大也休美也

受策以出出入三覲

出入猶去來也從來至去

凡三見王 左 僖公二十八年

舜曰咨禹惟時有苗弗率汝徂征

禹乃會羣后誓於師曰蠢茲有苗昏迷不恭侮慢自賢反道敗德肆予以爾衆士奉辭罰罪爾尚一乃心

力其克有勳書大禹謨

啓與有扈戰於甘之野

王曰有扈氏威侮五行怠棄三正天用勦絕其命今

予惟恭行天之罰扈音戶勦子小

惟仲康肇位四

海肩侯命掌六師羲和廢厥職酒荒於厥邑肩后承

王命徂征告於衆曰惟時羲和顛覆厥德沈亂於酒

畔官離次昏迷於天象以干先王之誅今予以爾有

衆奉將天罰爾衆士同力王室尚弼予欽承天子威

命摩音兆亂引證

諸侯朝正於王朝直遙反而受政教也朝

王宴樂之於是乎賦湛露則天子當陽諸侯用命也

樂音洛湛直減反 湛露曰湛湛露斯匪陽不晞 晞乾也言露見日而乾猶諸侯稟天子命而行 諸

侯敵王所愾而獻其功

愾苦愛反 當也愾恨怒也

敵猶

王於是乎

賜之彤弓一彤矢百旅弓矢千以覺報宴

彤徒冬反 旅音盧

覺明也謂諸侯有四夷之功王賜之弓矢又為 歌彤弓以明報功宴樂 左氏傳文公四年

凡

諸侯有四夷之功則獻於王王以警於夷

以警懼 夷狄

中

國則否諸侯不相遺俘

遺維季反 以相遺

雖夷狄俘猶不 左氏傳莊公三十

年一 禮諸侯三年一貢士於天子天子命與諸侯輔

助為政所以通賢共治示不獨專重民之至大國舉
三人次國舉二人小國舉一人一適謂之好德再適
謂之賢賢三適謂之有功不適謂之過再不適謂之

傲三不適謂之誣

好呼報反
漢書

天子賜諸侯之樂則

以祝將之賜伯子男樂則以鼗將之

祝昌六反
謂執以致命祝將

鼗皆所以節
樂王制

衛武公年數九十有五矣猶箴傲於國曰自卿以下至
於師長士苟在朝者無謂我老耄而舍我必恭恪於朝

朝夕以交戒我聞一二之言必誦志而納之以訓道我

箴音針長丁大反耄莫報反舍音捨在朝於朝之朝直遙反道音導言謗譽之言也志記也在輿有

旅賁之規

賁音奔規規諫也旅賁勇力之士掌執戈楯夾車而趨車止則持輪

位宁有

官師之典

宁直吕反門屏之間謂之宁師長也典常也

倚几有誦

訓之諫

誦訓工師所誦之諫書之於几也

居寢有執御之箴

執音薛近也

臨事有瞽史之道

道音導事戎祀也瞽樂太師宴居掌詔吉凶史太史也掌詔禮事

有師工之誦

師樂師工瞽也誦誦謂箴諫也

史不失書瞽不失誦以訓

御之

瞽音蒙御進也

於是乎作懿戒以自儆也

三君云懿戒書也昭謂懿

詩大雅抑之篇也懿讀曰抑毛詩叙
曰抑衛武公刺厲王亦以自儆也

及其沒也謂之獻

聖武公

獻悅歲反
楚語

衛獻公出奔齊師曠侍於晉侯

曠師

晉樂大
師子野

晉侯曰衛人出其君不亦甚乎對曰或者其君

實甚良君將賞善而刑淫養民如子蓋之如天容之如

地民奉其君愛之如父母仰之如日月敬之如神明畏

之如雷霆其可出乎天生民而立之君使司牧之勿使

失性有君而為之貳

貳卿
佐

使師保之勿使過度是故天

子有公諸侯有卿卿置側室

側室支
子之官

大夫有貳宗

貳宗
宗子

之副貳者士有朋友庶人工商皂隸牧圉皆有親暱以相輔

佐也善則賞之皂在早反暱女乙反賞謂宣揚過則匡之匡正也患則

救之救其難也失則革之革更也自王以下各有父兄子弟以

補察其政補其愆過察其得失史為書瞽為詩工誦箴諫大夫規

誨士傳言庶人謗商旅於市百工獻藝故夏書曰道人

以木鐸徇於路傳直專反道在由反鐸徒各反徇以俊反逸書道人宣令之官也木鐸木舌

金鈴徇於路求歌謠之言官師相規官師大夫自相規正工執藝事以諫所謂獻藝

正月孟春於是乎有之諫失常也有道人徇路夫君神之主

而民之望也若困民之主匱神之祀百姓絕望社稷無

主將安用之弗去何為天之愛民甚矣豈其使一人肆

於民上

夫音扶去起呂反肆放也

以從其淫而棄天地之性必不

然矣

從於用反傳襄公十四年

孔子曰在上不驕高而不危

制節謹度滿而不溢高而不危所以長守貴也滿而不

溢所以長守富也富貴不離其身然後能保其社稷而

和其民人蓋諸侯之孝也詩云戰戰兢兢如臨深淵如

履薄冰

離力智反兢居陵反孝經

子曰道千乘之國敬事而信

節用而愛人使民以時

道音導乘去聲
論語

又曰諸侯有爭

臣五人雖無道不失其國

爭音諍
孝經

辛伯諗周桓公曰

內寵並后外寵貳政嬖子配適大都偶國亂之本也

音諗

審適音嫡
左氏傳閔公二年

傳曰始封諸侯無子死不得與兄弟何古者象賢也

弟非賢者子孫至繼體諸侯無子得及親屬者以其

俱賢者子孫也重其先祖之功故得及之禮服傳曰

大宗不可絕同宗則可以為後王者受命而作興滅

國繼絕世何為先王無道妄殺無辜及嗣子幼弱為強臣所奪子孫皆無罪因而絕重其先人之功故復立之誅君之子不立者義無所繼也諸侯世位象賢也今親被誅絕也春秋傳曰誅君之子不立君見弑其子得立何以尊君防篡弑也太夫功成未封子得封者善善及子孫也諸侯入為公卿大夫得食兩家采不曰有能然後居其位德加於人然後食其祿所以尊賢重有德也今以盛德人輔佐兩食之何王制

曰天子之縣內諸侯祿也外諸侯嗣也天子太子食
采者儲君嗣主也當有土以尊之也太子食百里與
諸侯封同故禮曰公仕大夫子子也無爵而在大夫
上故知百里也公卿大夫皆食采者示與民同有無
也世子三年喪畢必上受爵命於天子何明爵土者
天子之有也臣無自爵之義童子當受父爵命使大
夫就其國命之明王者不與童子為禮也

儀禮集傳集註卷三十三

欽定四庫全書

儀禮集傳集註卷三十四

宋 朱子 撰

王朝禮十一

王制之庚名器上

君天下曰天子朝諸侯分職授政任功曰子一人朝直

皆擯者辭也天下謂外及四海也今漢於蠻夷稱天子於王侯稱皇帝觀禮曰伯父實來余一人嘉之余子

古今踐阼臨祭祀內事曰孝王某外事曰嗣王某阼存

皆祝辭也唯宗廟稱孝天地社稷祭之郊內而曰嗣王不敢同外內臨諸侯畛於鬼神

曰有天王其甫

畛之忍反 畛致也 祀告至於鬼神辭也 曰有天王其甫其甫且字也不名者

不親往也周禮大會同過山川則大祝用事焉鬼神謂百辟卿士也 畛或為祗 崩曰天王崩 史書

策復曰天子復矣

始死時呼魄辭也不呼名臣不名君也 諸侯呼字

告喪曰天

王登假

假音遐 已也上已者若仙去云耳

措之廟立之主曰

帝

措七故反 同之神春秋傳曰凡君卒哭而祔祔而作主

天子未除喪曰予小

子

諫未敢稱一人春秋傳曰以諸侯之踰年即位亦知天子之踰年即位以天子三年然後稱王亦知諸侯

於其封內生名之死亦名之

生名之曰小子王死亦曰小子王也 晉有小子侯是

僭取於天子號也

五官致貢曰享

貢功也享獻也致其歲終之功於王謂之獻也周禮太宰

歲終則令百官府各正其治受其會聽其致事而詔王廢置

五官之長曰伯

長丁丈反謂

為三公者周禮九命作伯

是職方

職主也是伯分主東西者春秋傳曰自陝以東周公主之自陝以西

名公主之一相處乎內是或為氏

其擯於天子也曰天子之吏

擯必刃反擯

者辭也春秋傳曰王命委之三吏謂三公也

天子同姓謂之伯父異姓謂之

伯舅自稱於諸侯曰天子之老於外曰公於其國曰君

稱之以父與舅親之辭也外自其私土之外天子畿內

九州之長入天子之國曰

牧長丁丈反以為之牧也

每一州之中天子選諸侯之賢者周禮曰乃施典於邦國而建其牧

天子

同姓謂之叔父異姓謂之叔舅於外曰侯於其國曰君

牧尊於大國之君而謂之叔父辟二伯也亦以此為尊禮或損之而益謂此類也外自其國之外九州之中曰

侯者本爵也二王之後不為牧其在東夷北狄西戎南蠻雖大曰子謂九

州之外長也天子亦選其諸侯之賢者以為之子子猶牧也入天子之國曰子天子亦謂之子雖有侯伯之地

本爵亦無過乎子是以同名曰子於內自稱曰不穀與民言之謙稱穀善也於外

自稱曰王老威遠國也外亦其戎狄之中庶方小侯入天子之國曰

某人於外曰子自稱曰孤謂戎狄子男君也男者於外亦曰男舉尊言之諸侯

見天子曰臣某侯某見賢遍反謂盡夫承命告天子辭也其為州牧則曰天子之老臣

某侯某奉主請覲某其與民言自稱曰寡人謙也於其
侯者國名某者人名臣亦然其

在凶服曰適子孤

適音的 凶服 亦謂未除喪

臨祭祀內事曰孝子

某侯某外事曰曾孫某侯某

稱國者遠 辟天子

死曰薨

亦史書 策辭

復曰某甫復矣

某甫 且字

既葬見天子曰類見

見賢 遍反 代父受國類

猶象也 執皮帛象諸 侯之禮見也 其禮亡

言謚曰類

使大夫行象聘問之禮 也言謚者序其行及謚

所宜其 禮亡

諸侯使人使於諸侯使者自稱曰寡君之老

使於

使者之使色吏反 為尊也 此謂諸侯之

繫於君以 卿上大夫

列國之大夫入天子之

國曰某士

亦謂諸侯之卿也 三命以下於天子為士曰 某士者若晉韓起聘於周擯者曰晉士起

自稱曰陪臣某

陪步回反

陪重也

於外日子

子有德之稱魯春秋曰齊高子來盟

於其國曰寡君之老使者自稱曰某

使色吏反使人於諸侯也

使謂某

名也曲禮

凡自稱天子曰予一人

謙自別於人而已

伯曰天子

之力臣

伯上公九命分陝者

諸侯之於天子曰某土之守臣某其

在邊邑曰某屏之臣某其於敵以下曰寡人小國之君

曰孤擯者亦曰孤

守手又反國之君自稱曰寡人

邊邑謂九州之外大

擯者曰寡君上

大夫曰下臣擯者曰寡君之老下大夫自名擯者曰寡

大夫世子自名擯者曰寡君之適

適音的擯者之辭主謂見於他國君下

大夫自名於他國君曰外臣某

公子曰臣孽

孽依註五葛反孽當作疥聲之誤

士曰傳

遽之臣於大夫曰外私

傳陟戀反遽其庶反傳遽以車馬給使者也士臣於大夫者

曰私人

大夫私事使私人擯則稱名

使色吏反私事使謂以君命私行非聘

也若魯成公時晉侯使韓穿來言汶陽之田歸之於齊之類

公士擯則曰寡大夫寡

君之老大夫有所往必與公士為賓也

實必刃反謂聘也大聘使上

大夫小聘使下大夫公士為賓謂作介也往之也

王藻 國君不名卿老世婦大

夫不名世臣姪娣士不名家相長妾

姪大結反娣大計反相息亮反長丁

也 文反 雖貴於其國家猶有所尊也 卿老上卿也 世臣父時老臣

君大夫之子不敢

自稱曰余小子

辟天子之子未除喪之名君大夫天子大夫有土地者

不敢與世

子同名

辟僭也其先之生則亦不改世或為大

天子有后有夫人有世

婦有嬪有妻有妾

嬪音頻女御以其御序於王之燕寢妾賤者妻八十一御妻周禮謂之

公侯有夫人有世婦有妻有妾

貶於天子也無后與嬪去上中

天子之

妃曰后

后之言後也

諸侯曰夫人

夫之言扶

大夫曰孺人

孺之言屬

士

曰婦人

婦之言服

庶人曰妻

妻之言齊

夫人自稱於天子曰老婦

自稱於天子謂畿內諸侯之夫人助祭若時事見

自稱於諸侯曰寡小君

謂饗來朝

諸侯之時自稱於其君曰小童自世婦以下自稱曰婢子

小童

若云未成人也婢之言卑也於其君
稱此以接見體敵嫌其當曲禮

天子玉藻十有

二旒前後邃延龍卷以祭

旒力求反邃雖醉反卷音衮祭先王之服也雜采曰藻

天子以五采藻為旒旒十有二前後邃延者言皆出冕前後而垂也天子齊有延冕上履也玄表纁裏龍卷畫龍於衣字或作衮疑畫蟠龍故謂之卷

玄端而朝日於東門之外聽朔於

南門之外閏月則闔門左扉立於其中

朝直遙反闔胡臘反扉音非

端當為冕字之誤也玄衣而冕冕服之下朝日春分之時也東門南門皆謂國門也天子廟及路寢皆如明堂制明堂在國之陽每月就其時之堂而聽朔焉卒事反宿路寢亦如之閏月非常月也聽其朔於明堂門中還處路寢門終月凡聽朔必以特牲告其帝及神配以文王武王皮弁以日視朝遂以食

日中而餽奏而食日少牢朔月大牢

朝直遙反餽音俊少詩照反大音泰

餽食朝之餘也奏奏樂也

五飲上水漿酒醴醕

醕以支反上水水為上餘其次之

卒食玄端而居

天子服玄端燕居也

動則左史書之言則右史書

之

其書春秋尚書其存者

御瞽幾聲之上下

瞽音古瞽樂人也幾猶察也察其哀樂

諸侯玄端以祭

祭先君也端亦當為冕字之誤也禘諸侯祭宗廟之服唯魯與天子同

冕以朝

朝直遙反下同朝天子也禘冕公衮侯伯鷩子男毳也

皮弁以聽朔於大

廟

大音奉弁下天子也

皮朝服以日視朝於內朝

朝服冠玄端素裳也此內朝路

寢門外之正朝也天子諸侯皆三朝

朝辨色始入

羣臣也入應門也辨猶正也別也

君日

出而視之退適路寢聽政使人視大夫大夫退然後適

小寢釋服

小寢燕寢也釋服服玄端

又朝服以食特牲三俎祭肺食必

復朝服所以敬養身也三俎豕魚腊

夕深衣祭牢肉

祭牢肉異於始殺也天子言日中諸侯言

夕天子言餽諸侯言祭牢肉互相挾

朔月少牢五俎四簋

簋音軌五俎加羊與其腸胃

也朔月四簋則日食梁稻各一簋而已

子卯稷食菜羹

食音嗣忌日貶也

夫人與

君同庖

庖步交反不特殺也

君無故不殺牛大夫無故不殺羊

士無故不殺犬豕

故謂祭祀之屬

君子遠庖厨凡有血氣之類

弗身踐也

遠于萬反之誤也剪猶殺也

踐當為剪聲王藻

王之五冕皆玄

冕朱裏延紐

紐女九反

冕服有六而言五冕者大裘之冕蓋無旒不聯數也延冕之覆在上是

以名馬紐小鼻在武上笄所貫也今時冠卷當簪者廣表以冠緹其舊象與

五采繅十有二就

皆五采玉十有二玉笄朱紘

繅音藻笄古今反紘音宏繅雜文之名也合五采

絲為之繩垂於延之前後各十二所謂邃延也就成也繩之每一市而貫五采玉十二游則十二玉也每就間蓋一寸朱紘以朱組為紘也紘一條屬兩端於武繅不言皆有不皆者此為衮衣之冕十二游則用玉二百八十

八鷲衣之冕繅九游用玉二百一十六毳衣之冕七游用玉百六十八希衣之冕五游用玉百二十玄衣之冕

三游用玉七十二

諸侯之繅游九就瑁玉三采其餘如王之事

繅游皆就玉瑱玉笄

游音留瑁亡貧反瑱吐練反侯當為公字之誤也三采朱白蒼也

其餘謂延紐皆玄覆朱裏與王同也出此則異縹苒皆就皆三采也每縹九成則九旒也公之冕用玉百六十
二玉瑱塞耳者故書璿作璿鄭司農云縹當為王之皮
縹縹古字也縹今字也同物同音璿惡玉名

弁會五采玉璿象邸玉笄

會如字一古外反璿音其邸丁禮反故書會作醴

鄭司農云讀如馬會之會謂以五采束髮也士喪禮曰鬢用組乃笄鬢讀與贈同書之異耳說日以組束髮乃著笄謂之鬢沛國人謂反紒為醴璿讀如棊車轂之棊玄謂會讀如大會之會會縫中也璿讀如簿借棊之棊棊結也皮弁之縫中每貫結五采王十二以為飾謂之棊詩云會弁如星又曰其弁伊棊是也邸下抵也以象骨為王之弁經弁而加環經

經徒結反其弁如爵弁而素所服也

謂素冠也而加環經環經者大如總之麻諸侯及孤卿經經而不糾司服職曰凡弔事弁經服

大夫之冕韋弁皮弁弁經各以其等為之

各以其等纁
游玉璫如其

命數也冕則侯伯纁七就用玉九十八子男纁五就用
玉五十纁玉皆三采孤纁四就用玉三十二三命之卿
纁三就用玉十八再命之大夫藻再就用玉八藻玉皆
朱綠韋弁皮弁則侯伯璫飾七子男璫飾五玉亦三采
孤則璫飾四三命之卿璫飾三再命之大夫璫飾二玉
亦二采弁經之弁其辟積如冕纁之就然庶人弔者素
委貌一命之大夫冕而無游士變冕為爵弁其韋弁皮
弁之會無結飾弁經之弁不辟積玉藻曰君未有命不
敢即乘服不言冠弁冠弁兼於韋弁皮弁矣不
言服弁服弁自天子以下無飾無等 弁師 王之

吉服祀昊天上帝則服大裘而冕祀五帝亦如之享先

王則衮冕享先公饗射則鷩冕祀四望山川則毳冕祭

社稷五祀則布冕祭羣小祀則玄冕

驚必減反羸昌鏡反希陟里反

服同冕者首飾尊也先公謂后稷之後大王之前不啻至諸豔饗射饗食賓客與諸侯射也羣小祀林澤墳衍四方百物之屬鄭司農云大裘羔裘也衮卷龍衣也鷩裨衣也毳屬衣也玄謂書曰子欲觀古人之象日月星辰山龍華蟲作績宗彛藻火粉米黼黻希繡此古天子冕服十二章舜欲觀焉華蟲五色之蟲績人職曰鳥獸蛇雜四時五色以章之謂是也希讀為締或作黼字之誤也王者相變至周而以日月星辰畫於旌旗所謂三辰旂旗昭其明也而冕服九章登龍於山登火於宗彛尊其神明也九章初一曰龍次二曰山次三曰華蟲次四曰火次五曰宗彛皆畫以為績次六曰藻次七曰粉米次八曰黼次九曰獸皆布以為繡則衮之衣五章裳四章凡九也鷩畫虎雉謂宗彛也其衣三章裳二章凡五也希

刺粉米無畫也其衣一章裳二章凡三也玄者衣無
丈裳刺黻而已是以謂玄馬凡冕服皆玄衣纁裳 凡

兵事韋弁服

韋弁以韎韋為弁又以為衣裳春秋傳曰
晉郤至衣韎韋之跗注是也今時伍伯緹

衣古兵服 眠朝則皮弁服 眠音視 視朝視內外朝之
之遺色 眠朝則皮弁服 事皮弁之服十五升白布衣

積素以為裳王受諸 侯朝覲於廟則衮冕 凡甸冠弁服 甸音田 甸田獵也
冠弁委貌其服緇布

衣亦積素以為裳諸侯以為視朝之服詩國風曰 凡凶
緇衣之宜兮謂王服此以田王卒食而居則玄端 凡凶

事服弁服

服弁喪冠也其 凡弔事弁經服 弁經者如璣
服斬衰齊衰 凡弔事弁經服 弁而素加環

經論語曰羔裘玄冠不以弔經大如總之經其服錫衰
總衰疑衰諸侯及卿大夫亦以錫衰為弔服喪服小記

弔服素委貌冠朝服此近庶人弔服而衣猶非也士當
日諸侯弔必皮弁錫衰則變其冠耳喪服舊說以為士

事弁經疑衰變其裳以素耳國君於其臣弁經他國之臣則皮弁大夫士有朋友之恩亦弁經故書弁作緝鄭司農緝讀為弁而加環經環經即弁經服公之服自袞冕而下如王之服

侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之其齊

服有玄端素端

鷩必減反毳昌銑反希陟里反齊側皆反自公之袞冕至卿大夫之玄冕皆

其朝聘天子及助祭之服諸侯非二王後其餘皆玄冕而祭於已雜記曰大夫冕而祭於公弁而祭於已士弁

而祭於公冠而祭於已大夫爵弁自祭家廟唯孤滿其餘皆玄冠與士同玄冠自祭其廟者其服朝服玄端詩侯之自相朝聘皆皮弁服此天子日視朝之服喪服天子諸侯齊斬而已卿大夫加以大功小功士亦如之又加總馬士齊有素端者亦為札荒有所禱請變素服言素端者明異制鄭司農云衣有鵠裳者為端玄謂端者取其正也士之衣袂皆二尺二寸而屬幅是廣袂等也其袪尺二寸大夫已上侈之侈之者蓋半而益一馬半而益一則其袪三尺三寸袪尺八寸司服

追師掌王后之首服為副編

次追衡笄為九嬪及外內命婦之首服以待祭祀賓客

追丁四反笄左兮反嬪音頻鄭司農云追冠名士冠禮記曰委貌周道也章甫殷道也牟追夏后氏之道也追師掌冠冕之官故弁主王后之首服副者婦人之首服祭統曰君卷冕立於阼夫人副褱立於東房衡維持

命屈狄再命禕衣一命禮衣士祿衣

屈音關禮章彥反
祿吐亂反君女

君也屈周禮作闕謂刺繒為翟不畫也此子男之夫人及其卿大夫士之妻命服也禮當為鞠字之誤禮天子

諸侯命其臣后夫人亦命其妻以衣服所謂夫尊於朝妻榮於室子男之卿再命而妻鞠衣則鞠衣禮衣祿衣

者諸侯之臣皆分三等其妻以次受此服公之臣孤為上卿大夫次之侯伯子男之臣卿為上大夫次之士次

之祿或稅唯世婦命於奠繭其他則皆從男子

繭古典反奠猶獻

也凡世婦已下釐事畢獻繭乃命之以其服天子之后夫人九嬪及諸侯之夫人夫在其位妻得服其服王

藻
玄冠朱組纓天子之冠也緇布冠纁纁諸侯之冠

也組總五反下同纁戶內反纁耳佳反皆始冠之冠也玄冠委貌也諸侯緇布冠有纁尊者飾也纁或作

繪綉或
作黹

玄冠丹組纓諸侯之齊冠也玄冠綦組纓士之

齊冠也

齊側皆反綦音其言齊時所服也四命以上齊祭異冠

縞冠玄武子姓之

冠也

縞古老反下同之不純吉也武冠卷也

謂父有喪服子為古者冠卷殊

縞冠素紕既

祥之冠也

紕婢支反閒紕緣邊也紕讀如埤益之埤既祥之冠也已祥祭而服之也閒傳曰大祥素

縞麻衣

垂綉五寸惰游之士也

綉耳佳反下同惰游罷民也亦縞冠素紕凶服之

象也垂長綉明非既祥

玄冠縞武不齒之服也

所放不帥教者居冠屬武

屬章欲反謂燕居冠也著冠於武少威儀

自天子下達有事然後綉

燕無事者

去飾五十不散送

散惡旦反送喪不散麻始衰不備禮

親沒不髦

髦音毛去為

欽定四庫全書

儀禮集傳集註

十一

子之

飾大帛不綉

帛當為白聲之誤也大帛謂白布冠也不綉凶服去飾

玉藻 大白

冠緇布之冠皆不綉委武玄縞而后綉

綉耳佳反

不綉質無飾也大

白冠太古之布冠也春秋傳曰衛文公大布之衣大布之冠委武冠卷也秦人曰委齊東曰武玄冠也縞縞

也冠大夫冕而祭於公弁而祭於己士弁而祭於公冠而

祭於己

弁爵弁也冠玄冠也祭於公助君祭也大夫爵弁而祭於己唯孤爾

士弁而親迎

然則士弁而祭於己可也

迎魚敬反親迎雖亦已

緣類欲許之也

非常也

君羔幣虎犴

幣音覓下同皆如直道而行之直直謂緣也

幣覆苓也犴讀

此君齊車之飾大夫齊車鹿幣豹犴朝車士齊車鹿幣豹犴

齊側皆反朝直遙反

臣之朝車與齊車同飾以帛裏布非禮也

中外宜相稱也冕服絲衣

也中衣用素皮弁服朝服玄端麻衣也中衣用布

士不衣織衣

於既反織音志織染絲織之士

衣染繒也

無君者不貳采

大夫去位宜服玄端玄裳

衣正色裳間色

間間側之

間謂冕服玄上纁下

非列采不入公門

列采正服

振絺綌不入公門

表裘不入公門

振依註之忍反絺勃之反綌去逆反振讀為疹疹禪也表裘外衣也二者形

且裘皆當表之乃出襲裘不入公門

衣裘必當陽也續為繭緼為袍

續音曠繭

古典反緼於粉反袍步羔反名也續謂今之新繆也緼謂今續及舊絮也

禪為絳

禪音

丹絳古迥反有衣裳而無裏

帛為褶

褶音牒而無著

有表裏

玉藻

傳玄冠紫綬自魯桓公始也

綬耳佳反 蓋僭宋王者之後服也 綬當用緇

季康子朝服以縞曾子問於孔子曰禮乎孔子曰諸

侯皮弁以告朔然後服之以視朝若此者禮也

縞古老反

朝直遙反 朝服以縞僭宋禮也 孔子惡指斥康子但言諸侯之禮而已而諸侯皮弁以告朔卒然後朝服以視朝朝服明其不用縞以視朝也 朝服之以縞也自季康子始也

亦僭宋王者之後 孔子曰朝服而朝卒朔然後服之

謂諸侯與羣臣

也諸侯視曰國家未道則不充其服焉

謂若衛文公者未道未合

於道 玉藻

唯君有黼裘以誓省大裘非古也

黼音甫 借天子也 天子祭上帝則大裘

而冕大裘羔裘也 黼裘以羔與狐白雜為黼文也 省當為獮獮秋田也 國君有黼裘誓獮田之禮時大夫又有

大裘也

君衣狐白裘錦衣以裼之

衣於既反裼思歷反 下同 君衣狐白毛

之裘則以素錦為衣覆之使可裼也 袒而有衣曰裼必覆之者裘裘也 詩云衣錦絢衣裳錦絢裳然則衣錦復有上衣明矣 天子狐白之上衣 皮弁服與凡裼衣裳象裘色也 君之右虎裘厥左狼裘

衛尊者宜武猛 士不衣狐白

辟君也 狐之白者少以少為貴也

君子狐青裘豹

裘玄緇衣以裼之

裘音袖 緇音宵 綺屬也 染之以玄

於狐青裘相宜 狐

青裘蓋玄衣之裘

麤裘青犴裘絞衣以裼之

麤音迷 犴音胡 犬

也絞蒼黃色孔羔裘豹飾緇衣以裼之飾猶褻也孔子曰素衣麤裘

狐裘黃衣以裼之黃衣大蜡時臘先祖之服也孔子曰黃衣狐裘 錦衣狐裘

諸侯之服也非諸侯則不用錦衣為裼 犬羊之裘不裼質畧亦庶人無文飾 不

文飾也不裼裼主於有文飾之事 裘之裼也見美也見賢遍反君子於事以

見美為敬 弔則襲不盡飾也喪非所以見美 君在則裼盡飾也臣所於

服之襲也充美也充猶覆也所敬不主於君則襲 是故尸襲尸執玉龜

襲重寶瑞也 無事則裼弗敢充也謂已致龜玉 深衣三祛

祛起魚反謂大夫士也三祛者謂要中之數 縫齊倍也祛尺二寸圍之為二尺四寸三之七尺二寸

要

縫音逢齊音咨要一遙反 縫紵也紵下齊 衽當旁 倍要中齊丈四尺四寸縫或為逢或為豐

衽而審反 衽謂裳幅所交裂也凡衽者或殺而下或殺而上是以小要取名焉衽屬衣則垂而放之屬裳則

縫之以合前 袂可以回肘 袂面世反肘竹丑反 長中繼 後上下相變

揜尺 其為長衣中衣則繼袂揜一袂二寸 袂音却 尺若今褻矣深衣則緣而已 袷二寸之節 袷音切

尺二寸 袂口緣廣寸半 緣余縮反廣工曠反 具父母 也 飾邊也 玉藻

大父母衣純以績具父母衣純以青如孤子衣純以素

純章允反績音會 尊者存以多飾 純袂緣純邊廣各 為孝績畫丈也三十以下無父稱孤

寸半 純謂緣之也緣袂謂其口也緣緜也緣邊衣裳之 側廣各寸半則表裏共三寸矣唯袷廣二寸 深

衣

傳曰古者深衣盖有制度以應規矩繩權衡應於言

聖人制事短毋見膚母音無下同見賢長毋被土為

辱續衽鉤邊衽而審反鉤古侯反裳旁者也屬連之不殊續猶屬也衽在

如鳥喙必鉤之鉤鉤邊要縫半下要一遙反縫扶用

一以益下下宜裕之高下可以運肘裕音各肘竹九

寬也要或為優袷之長短反詘之及肘袷彌世反詘丘

出入袷衣袂袂之長短反詘之及肘袂彌世反詘丘

於衣詘而至肘當臂中為節臂骨上下各帶下毋厭

尺二寸則袂肘以前尺二寸肘或為腕

髀上毋厭脅當無骨者

厭於切反

甲反髀步戩反脅許當骨緩急難為中

也制十有二幅以應十有二月

應於證反下同裳六幅幅分之以為上

下之袂圓以應規

謂胡也

曲袷如矩以應方

袷音却袷交領也

古者方領如負繩及踝以應直

踝胡瓦反繩謂袷與後幅相當之縫也

也跟下齊如權衡以應平

齊音咨

故規者行舉手以

為容

行舉手謂揖讓

負繩抱方者以直其政方其義也故易

曰坤六二之動直以方也

言深衣之直方應易之文也政或為正下齊

如權衡者以安志而平心也

心平志安行乃正或低或仰則心有異志者歟

五法已施故聖人服之

言非法不服也

故規矩取其無私繩

取其直權衡取其平故先王貴之

貴此衣也

故可以為文

可以為武可以擯相可以治軍旅完且弗費善衣之

次也

擯必刃反相息亮反完音丸苦衣而易有也深衣者用十五升布鍛濯灰治

完且弗費言可

純之以采善衣朝祭之服也自士以上深衣為之次庶人吉服深衣而已

深衣

儀禮集傳集註卷三十四

欽定四庫全書

儀禮集傳集註卷三十五

宋 朱子 撰

王朝禮十二

王制之辛

名器

以玉作六瑞以等邦國

等猶齊也

王執鎮圭

鎮安也所以安四方鎮圭

者蓋以四鎮之山為

球飾圭長尺有二寸

公執桓圭 公二王之後及王之上

之象所以安其上也桓圭蓋

侯執信圭 伯執躬圭

信當

聲之誤也身圭躬圭蓋皆象以人形為瑑飾
文有麤縵耳欲其慎行以保身圭皆長七寸
子執穀璧

男執蒲璧

穀所以養人蒲為席所以安人二玉蓋或以
穀為飾或以蒲為瑑飾璧皆徑五寸不執圭

者未成國也冬官玉人之事鎮圭尺有二寸天子守
之命圭九寸謂之桓圭公守之命圭七寸謂之信圭侯

守之命圭七寸謂之躬圭伯守之
命之圭也朝覲執馬居則守之子守穀璧男守蒲璧不

言之者闕耳故書或云命圭五寸謂之躬圭杜子
春云當為七寸玄謂五寸者璧丈之闕亂存焉以玉

作六器以禮天地四方
禮謂始告神時薦於神坐
書曰周公植璧秉圭是也以蒼

璧禮天以黃琮禮地以青圭禮東方以赤璋禮南方以

白琥禮西方以玄璜禮北方
琮才宗反璋音章琥音虎
璜音黃此禮天以冬至

謂天皇大帝在北極者也禮地以夏至謂神在崑崙者也禮東方以立春謂蒼精之帝而太昊句芒食馬禮南方以立夏謂赤精之帝而炎帝祝融食馬禮西方以立秋謂白精之帝而少昊蓐收食馬禮北方以立冬謂黑精之帝而顓頊玄冥食馬禮神者必象其類璧圓象天琮八方象地圭銑象春物初生半圭曰璋象夏物半死琬猛象秋嚴半璧曰璜象冬閉藏地上無物唯天半見

皆有牲幣各放其器之色
放方往反幣以從爵若
人飲酒有酬幣大宗伯

采五就以朝日
繅音藻藉在夜反朝直遙反繅有五

之就成也王朝日者示有所尊訓民事君也天子常春分朝日秋分夕月觀禮曰拜日於東門之外故書鎮作瑱鄭司農云晉讀為鎮玉人職曰大圭長二尺杼上終葵首帶劔也瑱讀為鎮玉人職曰大圭長二尺杼上終葵首

天子服之鎮圭尺有二寸天子守之繅讀
為藻率之藻五就五帀也一帀為之就 公執桓圭侯

執信圭伯執躬圭繅皆三采三就子執穀璧男執蒲璧

繅皆二采再就以朝覲宗遇會同於王

信音申 三采朱白蒼二采朱

綠也鄭司農云以圭璧見於王覲禮曰侯氏入門右坐奠圭再拜稽首侯氏見於天子春曰朝夏曰宗秋曰覲

冬曰遇時見曰會殷見曰同 諸侯相見亦如之 鄭司農云亦執圭璧以相見故邾隱公朝

於魯春秋傳曰邾子執玉高其容仰 瑒圭璋璧琮繅皆二采一就以覲聘

瑒直轉反覲他帀反 璋以聘后夫人以琮享之也 大夫乘來曰覲寡來曰聘鄭司農云瑒有圻鄂瑒起 四

圭有邸以祀天旅上帝 邸丁禮反下同 鄭司農云於中央為璧圭著其四面一玉俱

成爾雅曰邸本也圭本著於壁故四圭有邸圭末四出故也或說四圭有邸有四角也邸讀為抵欺之抵上帝

殊言天者尊異之也大夏正郊天也上帝五帝所郊亦猶五帝

及四兩圭有邸以祀地旅四望兩圭者以象地數二也儻而同邸祀地謂所祀

於北郊神裸圭有瓚以肆先王以裸賓客裸古亂反瓚州之神

司農云於圭頭為器可以挹澆裸祭謂之瓚故詩曰邸彼玉瓚黃流在中國語謂之塗圭以肆先王裸先王祭

也玄謂肆解牲體以祭因以為名爵行曰裸漢禮瓚槃大五升口徑八寸下有槃口徑一尺圭璧以

祀日月星辰圭其邸為璧璋邸射以祀山川以造贈賓

客射取殺於四望鄭司農云射刺也土圭以致四時日

射取殺於四望鄭司農云射刺也

月封國則以土地

以其致四時日月者度其景至不至以其行得失也冬夏以致日春秋以

致以制其地猶度地也封諸侯以土圭度日景觀分寸長短以制其域所封也鄭司農說以玉人職曰土圭尺有

五寸以致日以土地以珍圭以徵守以恤凶荒守手又

子春云珍當為鎮書亦或為鎮以徵守者以徵召守國諸侯若今時徵郡守以竹使符也鎮者國之鎮諸侯亦

一國之鎮故以鎮圭徵之也凶荒則民有遠志不安其土故以鎮圭鎮安之玄謂珍圭王使之瑞節制大小當

與琬琰相依王使人徵諸侯憂凶荒之國則授之執以往致王命焉如今時使者持節矣恤者閩府庫振救之

凡瑞節歸又牙璋以起軍旅以治兵守鄭司農云牙璋

亦王使之瑞節兵守用兵所守若齊人戍遂諸侯戍周

壁羨以起度

鄭司農云羨長也此壁徑長尺以起度量
玉人職曰壁羨度尺以為度玄謂羨不圍

之貌蓋廣徑
八寸袤一尺

駟圭璋璧琮琥璜之渠眉疏璧琮以斂尸

駟音祖斂力驗反
駟疾之駟疏讀為沙謂圭璋璧琮琥璜皆為開渠為眉

鄭司農云駟外有捷盧也駟讀為

球沙除以斂尸令汁得流去也玄謂以斂尸者於大斂
馬加之也駟讀為組與組馬同聲之誤也渠眉玉飾之

溝琫也以組穿聯六玉溝琫之中以斂尸圭在左璋在
首琫在右璜在足璧在背琮在腹蓋取象方明神之也

疏璧琮者穀圭以和難以聘女穀圭亦王使之瑞節穀
善也其飾若粟文然難

仇讎和之者若春秋宣公及齊侯平莒及邾琬圭以治
晉侯使瑕嘉平戎於王其聘女則以納徵焉

德以結好琬於阮反好呼報反
諸侯有德王命賜之及諸侯使大夫來聘既

而為壇會之使大夫執以命事焉大行人職曰時聘以結諸侯之好鄭司農云琰圭無鋒芒故治德以結好

琰圭以易行以除慝

琰以冉反行下益反慝吐得反琰圭亦王使之瑞節鄭司農云琰

圭有鋒芒傷害征伐誅討之象故以易行除慝易惡行令為善者以此圭責讓喻告之也玄謂除慝亦於諸侯

使大夫來覲既而使大夫執而命事於壇大行人職曰殷覲以除邦國之慝典瑞

天子執冒

四寸以朝諸侯

朝直遙反名玉曰冒者言德能覆蓋天下也四寸者方以尊接卑以小為貴

天子用全上公用龍侯用瓚伯用將

瓚才但反鄭司農云全純色也龍

當為尫尫謂雜色玄謂全純玉也瓚讀為饗饗之饗龍瓚將皆雜名也卑者下尊以輕重為差玉多則重石多

則輕公侯四玉一石伯子繼子男執皮帛

謂公之孤也見禮次子男

費用束帛而以豹皮表之為飾天子之孤表帛以虎皮此說玉及皮帛者遂言見天子之用贄天子圭

中必約其中央為執之以備失墜四圭尺有二寸以祀

天曰郊天所以禮其神也典瑞職大圭長三尺杼上終葵

首天子服之杼直呂反王所措大圭也或謂之琕終

也相玉書曰琕土圭尺有五寸以致日以土地致日度

夏日至之景尺有五寸冬至之景丈有三尺土猶度也建邦國以度其地而制其域裸圭尺有

二寸有瓚以祀廟裸之言灌也或作深或作果裸謂始

注琕圭九寸而縹以象德縹音藻琕猶園也王使之瑞節也諸侯有德王命賜之

使者執琬圭以致命焉縹藉也琰圭九寸判規以除慝以易行凡圭琰

琰圭琰半以上又半為瑑飾諸侯有為不義使者璧圭琰圭琰半以上又半為瑑飾諸侯有為不義使者璧圭

度尺好三寸以為度徑也好壁孔也爾雅曰肉倍好謂

之壁好倍肉謂之瑗肉好若一謂之璧玄謂羨猶延其表一尺而廣狹焉圭璧五寸以祀日

月星辰禮其神也圭其邸璧琮九寸諸侯以享天子獻

也聘禮享君以穀圭七寸天子以聘女納徵加大璋中

璋九寸邊璋七寸射四寸厚寸黃金勺青金外朱中臬

寸衡四寸有緜天子以巡守宗祝以前馬射食亦反勺

上灼反衡音

橫守手又反射琰出者也勺故書或作約杜子春云當為勺謂酒尊中勺也鄭司農云鼻謂勺龍頭鼻也衡

謂勺柄龍頭也玄謂鼻勺流也凡流皆為龍口也衡古丈橫假借字也衡謂勺徑也三璋之勺形如圭瓚天子

巡守有事山川則用灌焉於大山山川則用大璋加文飾也於中山川用中璋殺文飾也於小山山川用邊璋半文

飾也其祈沈以馬宗祝亦執勺以先之禮王過大山川則大祝用事焉將有事於四海山川則校人飾黃駒

大璋亦如之諸侯以聘女亦納徵加於束帛也大璋者

者如邊璋七琫圭璋八寸璧琮八寸以瀕聘琫直轉反寸射四寸

琫文飾也覘視也聘問也衆來曰覘特來日聘聘禮曰凡四器者唯其所寶以聘可也牙璋中璋

七寸射二寸厚寸以起軍旅以治兵守射食亦反璋皆有鉏牙之二

飾於琰側先言牙璋有
文飾也 組側魚反

駟琮五寸宗后以為權

駟音祖
駟讀

為組以組繫之因名焉鄭
司農云以為稱錘以起量

大琮十有二寸射四寸厚寸

是謂內鎮宗后守之

射食亦反 如王之
鎮圭也射其外鉏牙

駟琮七寸鼻

寸有半寸天子以為權

鄭司農云以為
權故有鼻也

兩圭五寸有邸

以祀地以旅四望

邸丁禮反 邸謂之
抵有邸儻共本也

瑒琮八寸諸侯

以享夫人

獻於所朝聘
君之夫人也

案十有二寸棗栗十有二列諸

侯純九大夫純五夫人以勞諸侯

棗古栗字勞力報反
純猶皆也鄭司農

云案玉案也夫人天子夫人玄謂案玉飾案也夫人王
后也託時諸侯僭稱王而夫人之號不別是以同王后

於夫人也王案十二以為列王后勞朝諸侯皆九列聘大夫皆五列則十有二列者勞二王之後也棗栗實於

器乃加於案聘禮曰夫人使下大夫勞以二竹璋邸射蓋方玄被纁裏有蓋實棗栗擇兼執之以進璋邸射

素功以祀山川以致稍餼稍所教反餼許既反邸射

稟食也鄭司農云素功無瑑飾也餼或作氣杜子春云當為餼 王人 贊大行曰圭公

九寸侯伯七寸子男五寸博三寸厚半寸剡上左右各

寸半玉也藻三采六等剡以丹反 贊大行者書說大

三采六等以朱白蒼畫之再行也子 笏天子以球玉男執璧作此贊者失之矣 雜記

諸侯以象大夫以魚須文竹士竹本象可也須音班 球美玉也

文猶飾也大夫士飾竹以為見於天子與射無說笏入

笏不敢與君並用純玉物也

見賢遍反說音脫下同言凡吉事無所說笏也太廟之中唯君當事說

太廟說笏非古也

免音問免悲哀哭踊之時不在於記事也小

功輕不當事既措必盥雖有執於朝弗有盥矣

措音薦盥音管

朝直遙反措笏輒盥為必執事

凡有指畫於君前用笏造受命於君

前則書於笏笏畢用也因飾焉

畫胡麥反造七到反畢盡也笏度二

尺有六寸其中博三寸其殺六分而去一

殺色界反去起呂反殺

猶杼也天子杼上終葵首諸侯不終葵首大夫士又杼其下首廣二寸半

天子措珽方正於

天下也

措音薦珽他項反

此亦笏也謂之珽珽之言

首終葵首者於杼上又廣其首方如椎頭是謂諸侯茶

無所屈後則恒直相玉書曰珽玉六寸明自炤

前訕後直讓於天子也

之舒舒懦者所畏在前也訕謂

園殺其首不為椎頭諸侯唯

大夫奉君命出入者也上有天子

聘人以珪問士

也

聘人以珪謂使

以璧召人以瑗絕人以玦反絕以環

人聘他國以圭璋也問謂訪其國事因遺之也衛侯使

使尹襄問子貢以弓是其類也說文曰瑗者大孔璧也

滿雅好倍肉謂之瑗肉倍好謂之璧禮記曰君名臣以

三節周禮珍圭以徵守鄭云以徵召守國之諸侯若今

徵郡守以竹使符也然則天子以珍圭名諸侯諸侯名臣以瓊瓊缺如環而缺肉好若一謂之環古者臣有罪待放於境三年不敢去與之環則還與之缺則絕皆所以見意也反絕謂反其將絕者此明諸侯以玉接人臣之禮也

荀子大畧

天子素帶朱裏終辟

辟婢支反下同謂大帶也

而素

帶終辟大夫素帶辟垂士練帶率下辟居士錦帶弟子

縞帶并紐約用組

率音律縞古老反并必政反組女九反組音祖而素帶終辟謂諸侯也

諸侯不朱裏合素為之如今衣帶為之下天子也大夫亦如之率絳也士以下皆禪不合而絳積如今作幪頭為之也辟讀如裨冕之裨裨謂以繒采飾其側人君充之大夫裨其紐及末士裨其末而已居士道藝處士也此自而素帶亂脫在是耳宜承朱裏終辟三寸長森於帶紳長制士三尺有

司二尺有五寸子游曰參分帶下紳居二馬紳鞞結三

齊

鞞音必三寸謂約帶紐組之廣也長齊於帶與紳齊也紳帶之垂者也言其屈而重也論語曰子張書

也諸紳有司府史之屬也三分帶下而三尺則帶高於中
也結約餘也此又亂脫在是宜承約用組結或為袷

大夫大帶四寸雜帶君朱綠大夫玄華士緇辟二寸再

繚四寸凡帶有率無箴功

繚音了箴音針雜猶飾也即上之禕也君禕帶上以朱

下以綠終之大夫禕垂外以玄內以華華黃色也士禕垂之上下內皆以緇是謂緇帶大夫以上以素皆廣四寸士以練廣二寸再繚之凡帶有司之帶也亦緇之如士帶矣無箴功則不禕之士雖緇帶禕亦用箴功凡帶不禕下士也此又亂脫在是宜承紳鞞結三齊肆東及帶勤者有事則收之走

則擁之

肆讀為肆肆餘也餘束約紐之餘組也勤謂重執勞辱之事也此亦亂脫在是宜承無箴功童

子之節也緇布衣錦緣錦紳并紐錦束髮皆朱錦也

餘緣

絹反并必政反紐女九反稱也冠禮曰將冠者采衣紒也

童子亦冠之王藻

麻者不紳

執玉不麻麻不加於采

吉凶不相干也麻謂經也紳大帶也喪以要經代大帶也麻不

加於采采者不麻謂弁經也必服弔服是也采玄纁之衣

雜記 韠君朱大夫素士

爵韋

韠音必此玄端服之韠也韠之言蔽也凡韠以韋為之必象裳色則天子諸侯玄端朱裳大夫素

裳唯士玄裳黃裳雜裳也皮弁服皆素韠

圜殺直

殺色界反目韠制

天子直

四角直無圜殺

公侯前後方

殺四角使之方變於天子也所殺者去上下各五寸

大夫前方後挫

角挫作臥反 圍其上角變於君也鞞以下為前以上為後士前後正士賤與君同不嫌也正直

方之間語也天子之士則直諸侯之士則方鞞下廣二尺上廣一尺長三尺

其頸五寸肩革帶博二寸廣工曠反長直亮反頸吉并反 頸五寸亦謂廣也頸中

央肩兩角皆上接革帶以繫之肩與革帶廣同凡佩繫於革帶 王藻 又曰鞞長三尺

下廣二尺上廣一尺會去上五寸純以爵韋六寸不至下

五寸純以素紉以五采會古外反純婢支反純章允反 紉者巡 會謂上領縫也領之

所用蓋與紉同在旁曰紉在下曰純素生帛也紉六寸者中執之表裏各三寸也純紉所不至者五寸與會去

上同紉施諸縫中若雜記 一命緼鼓幽衡再命赤鼓幽衡

今時繅也雜記 儀禮集傳集註 十一

三命赤韎蔥衡

緼音溫韎音弗此玄冕爵弁服之韍尊祭服異其名耳韎之言亦蔽也緼亦

黃色之間色所謂韎也衡佩王之衡也幽讀為黝黑謂之黝青謂之蔥周禮公侯伯之卿三命其大夫再命其

士一命子男之卿再命其大夫一命其士不命

天子佩白玉而玄組綬公侯

佩山玄玉而朱組綬大夫佩水蒼玉而純組綬世子佩

瑜玉而綦組綬士佩瑤玖而緼組綬

組音祖綬音受下同瑜羊朱反綦音

其下同瑤而充反玖武巾反緼音溫玉有山玄水蒼者視之文色所似也綬者所以貫佩玉相承受者也純

當為緼古文緼字或作絲旁才綦文雜色也緼赤黃

君在不佩玉左結佩右設

佩謂世子也出所處而君在馬則去德佩而設事佩辟德而示即事也結其左者若於事未有能也結結其

綬不使鳴也居則設佩謂所處而君不在焉朝則結佩朝直遙反於君亦結左朝

齊則結結佩而爵韞齊側皆反結側耕反韞音必結又屈之思神靈不在事也

爵韞者齊凡帶必有佩玉唯喪否喪主於哀去飾也凡謂天子以至士君

子無故玉不去身古之君子必佩玉比德焉君子士以上右徵

角左宮羽徵側里反王聲所中也徵角在右事也民也可以勞宮羽在左君也物也宜逸趨

以采齊齊依註疾私反也門外謂之趨齊當為楚薺之薺節行以肆夏登

之樂周旋中規中丁仲反下同折還中矩折之設反還音旋曲行

也宜進則揖之退則揚之然後玉鏘鳴也鏘七羊反揖之謂小佻

見於前也揚之謂小故君子在車則聞鸞和之聲行則仰見於後也鐸聲貌

鳴佩玉是以非辟之心無自入也辟音辟鸞在衛和在式自由也以上

並玉藻

傳曰子貢問於孔子曰敢問君子貴玉而賤珉者何也

為王之寡而珉之多與珉亡貧反為于偽反下同與音餘珉石似玉或作玳也

孔子曰非為珉之多故賤之也王之寡故貴之也夫

昔者君子比德於玉焉溫潤而澤仁也夫音扶色柔溫潤似仁

也潤或為濡縝密以栗知也縝音軫知音智縝緻也栗堅貌廉而不剝

義也

剗九衛反 義者不苟傷人也

剗傷也 垂之如隊禮也

隊真位反 禮尚謙

卑叩之其聲清越以長其終詘然樂也

詘其勿反 樂作則有聲

止則無也越猶揚也詘絕止貌也樂記曰止如橐木

瑕不揜瑜瑜不揜瑕忠也

瑕音遐揜音掩瑜羊朱反 瑕玉之病也瑜其中間美者玉之性善惡不相揜似忠也

孚尹旁

達信也

孚讀為浮尹讀為竹箭之筠浮筠謂玉采色也采色旁達不有隱翳似信也孚或作笈或

為扶

翳氣如白虹天也精神見於山川地也

虹音紅見

賢遍反

精神亦謂精氣也虹天氣也山川地所以通氣也

圭璋特達德也

特達謂以

朝聘也璧琮則有幣有德者無所不達不有須而成也

天下莫不貴者道也

人無不由之

詩云言念君子

言我

溫其如玉故君子貴之也

義聘

王及后之服履赤烏黑烏赤纁黃纁青句素履葛履

於

力反句音劬履自明矣必連言服者著服各有履也
複下曰烏禪下曰履古人言履以通於複今世言履以

通於禪俗易語反與烏履有約有纁有純者飾也鄭司
農云赤纁黃纁以赤黃之絲為下緣士喪禮曰夏葛履

冬皮履皆纁緇純禮家說纁亦謂以采絲礫其下玄謂
凡履烏各象其裳之色士冠禮曰玄端黑履青約纁純

素積白履緇約纁純爵弁纁履黑約纁純是也王吉服
有九烏有三等赤烏為上冕服之烏詩云王錫韓侯玄

衮赤烏則諸侯與王同下有白烏黑烏王后吉服六唯
祭服有烏玄烏為上禕衣之烏也下有青烏赤烏鞠衣

以下皆屨耳句當為絢聲之誤也絢純者同色今云赤纁黃纁青絢雜互言之明寫屨衆多反覆以見之凡寫之飾如績之次赤纁者王黑寫之飾黃纁者王后玄寫之飾青絢者王白寫之飾言纁必有絢純言絢亦有纁純三者相將王及后之赤寫皆黑飾后之青寫白飾凡屨之飾如繡次也黃屨白飾白屨黑飾黑屨青飾絢謂之拘著寫屨之頭以為行戒纁縫中紉純緣也天子諸侯吉事皆寫其餘唯服冕衣翟著寫耳士爵弁纁屨黑絢純尊祭服之屨飾從績也素屨者非純吉有凶去飾者言葛屨明有用皮時

外內命夫命

婦之命屨功屨散屨

散素但反

命夫之命屨纁屨命婦之命屨黃屨以下功屨次命屨

於孤卿大夫則白屨黑屨九嬪內子亦然世婦命婦以黑屨為功屨女御士妻命屨而已士及士妻謂再命受

服者散屨亦謂去

天官屨人

王之五路一曰玉路錫樊纓十有

再就建大常十有二旂以祀

錫音陽樊步干反旂音留下同王在馬曰路王路

以玉飾諸末錫馬而當盧刻金為之所謂鏤錫也樊讀如鞶帶之鞶謂今馬大帶也鄭司農云纓謂當胸士喪

禮下篇曰馬纓三就禮家說曰纓當胸以削革為之三就三重三匝也玄謂纓今馬鞅王路之樊及纓皆以五

采屬飾之十二就就成也太常九旗之畫日月者正幅為緣旂則屬焉金路鈎樊纓九就

建大旂以賓同姓以封

金路以金飾諸末鈎婁頷之鈎也金路無錫有鈎亦以金為之

其樊及纓以五采屬飾之而九成大旂九旗之畫交龍者以賓以會賓客同姓以封謂王子母弟率以功德出

封雖為侯伯其畫服猶如上公若魯衛之屬其無功德各以親疏食采畿內而已故書鈎為拘杜子春讀為鈎

象路朱樊纓七就建大赤以朝異姓以封

朝直遙反象路以象飾

諸末象路無鉤以朱飾勒而已其樊及纓以五采蜀飾之而七成大赤九旗之通帛以朝以日視朝異姓王甥舅
革路龍勒條纓五就建大白以即戎以封四衛條衣註他

刀反革路鞅之以革而漆之無他飾龍駝也以白黑飾韋雜色為勒條讀為條其樊及纓以條絲飾之而五成不言樊字蓋腕爾以此言條知王路金路象路飾樊纓皆不用金玉象矣大白殷之旗猶周大赤蓋象正色也即戎謂兵事四衛四方諸侯守衛者蠻服以內
木路前樊鵠纓建大麾以田

以封蕃國

鵠戶毒反麾許危反木路不鞅以革漆之而已前讀為緇翦之翦翦淺黑也木路無龍

勒以淺黑飾韋為樊鵠色飾韋為纓不言就數飾與革路同大麾不在九旗中以正色言之則黑夏后氏所建田四時田獵蕃國謂九州之外夷王后之五路重翟錫服鎮服蕃服杜子春云鵠或為結

面朱總厭翟勒面績總安車彫面鷖總皆有容蓋重直龍反

錫音陽厭於涉反績戶對反鷖烏兮反重翟重翟雉之羽也厭翟次其羽使相迫也勒面謂以如玉龍勒之

韋為當面飾也彫者畫之不龍其韋安車坐乘車凡婦人車皆坐乘故書朱總為緄鷖或作繫鄭司農云錫馬

面錫緄當為總書亦或為總鷖讀為見鷖之鷖鷖總者青黑色以緄為之總著馬勒直兩耳與兩鑣容謂幃車

山東謂之蒙幃或曰幃容玄謂朱總績總其施之如鷖總車衡輅亦宜有馬績畫文也蓋如今小車蓋也皆有

容有蓋則重翟厭翟謂蔽也重翟后從王祭祀所乘厭翟后從王賓饗諸侯所乘安車無蔽后朝見於王所乘

謂去飾也詩國風碩人曰翟蔽以朝謂諸侯夫人始來乘翟蔽之車以朝見於君盛之也此翟蔽蓋厭翟也然

則王后始來乘重翟乎翟車貝面組總有握組音祖下同握皆作帷翟車不重不厭

以翟飾車之側，兩貝面，貝飾勒之當面也。有握鞶車組，則此無蓋矣。如今駟車是也。后所乘以出桑，鞶車組。

輓有翬羽蓋

輓音晚，翬所甲反。輦車不言飾，后居宮中，從容所乘，但漆之而已。為輗輪人輓之。

以行有翬，所以禦風塵，以羽作小蓋為翬。日也。王之喪，故書翬為駟。杜子春云：當為翬書，亦或為駟。

車五乘，木車蒲蔽，犬禡尾橐，疏飾小服，皆素。

乘繩，證反。禡，莫歷反。

下同。橐音羔，木車不漆者。鄭司農云：蒲蔽謂羸、蘭車。以蒲為蔽。天子喪服之車，漢儀亦然。犬禡以犬皮為覆。

答故書疏為搭，杜子春讀搭為沙。玄謂蔽車旁，禦風塵者。犬白，犬皮既以皮為覆，答又以其尾為戈戟之攷。麤。

布飾二物之側，為之緣。若攝服云：服讀為蔽。小蔽，刀劍短兵之衣。此始遭喪所乘，為君之道尚微備。姦臣也。書。

日以虎賁百人逆。素車，琴蔽，犬禡，素飾小服，皆素。琴扶，子釗亦為備馬。

素車以白土壘車也。芬讀為墳，墳麻以為蔽，其襪服以素，繒為緣。此卒哭所乘，為君之道，益著在車，可以去。

戔藻車藻蔽鹿淺襪革飾。故書藻作輶，杜子春讀為戰。藻水草蒼色，以蒼土壘車，以蒼繒為蔽也。鹿淺襪，以鹿夏皮為覆，苓又以所治去毛者緣之。此既練所乘。馬

車萑蔽然襪髮飾。駮莫江反，萑音丸，髮香求反。故書駮作龍，髮為軟，杜子春云龍讀為駮。

軟讀為秦，坭之秦直謂髮秦也。玄謂駮車邊側有漆飾也。萑細葦席也，以為蔽者，漆則成藩，即吉也。然果然也。

髮亦多黑少之色。漆車藩蔽，犴襪，萑飾。犴音岸，漆車韋也。此大祥所乘。漆車藩蔽，犴襪，萑飾。黑車也。藩，今時

小車藩漆席以為之，犴胡犬，萑服車。五乘，孤乘，夏篆

黑多赤少之色，韋也。此禫所乘。服車，五乘，孤乘，夏篆

卿乘，夏縵，大夫乘，墨車，士乘，棧車，庶人乘，役車。五乘之乘，繩證。

反篆直轉反纒莫干反棧仕板反服車服事者之車
故書夏篆為夏緣鄭司農云夏赤也緣綠色或曰夏篆

篆讀為圭瑒之瑒夏篆穀有約也玄謂夏篆五采畫穀
約也夏纒亦五采畫無瑒灑墨車不畫也棧車不革鞞

而漆之役車方箱可載任器以共役凡良車散車不在等者其用無常給

燕及思惠之賜不在等者謂若今輜車日月為常交
後戶之屬作之有功有活春官中車

龍為旂通帛為旛雜帛為物熊虎為旗鳥隼為旟龜

蛇為旐全羽為旖析羽為旗旗之然反隼息允反旟音
餘旗音北旗音遂通帛

謂大赤從周正色無飾雜帛者以帛素飾其側白殷之
正色全羽析羽皆五采繫之於旗旗之上所謂注旗於

干首也凡九旗大閱則王建大常諸侯建旂孤卿建旛
之帛皆用絳

大夫士建物師都建旗州里建旗縣鄙建旒道車載旒

旒車載旒

仲冬教大閱司馬主其禮自王以下治民者旗畫成物之象王畫日月象天明也諸侯畫

交龍一象其升朝一象其下復也孤卿不畫言奉王之政教而已大夫士雜帛言以先王正道佐職也師都六

鄉六遂大夫也謂之師都民所聚也畫熊虎者鄉遂出軍賦象其守猛莫敢犯也州里縣鄙鄉遂之官互約

言之鳥隼象其勇捷也龜蛇象其扞難辟害也道車象路也王以朝夕燕出入旒輦木路也王以田以鄙全羽

析羽五色象其文德也大閱王乘戎路建大常馬王路金路不出 皆畫其象馬官府各

象其事州里各象其名家各象其號

事名號者徵識所以題別衆臣樹之

於位朝各就馬覲禮曰公侯伯子男皆就其旂而立此其類也或謂之事或謂之名或謂之號異外內也三者

旌旗之細也士喪禮曰為銘各以其物亡則以緇長半幅頰末長終幅廣三寸書名於末此蓋其制也徽識之書則云某某之事某某之名某某之號今大閱禮象而為之兵凶事若有死事者亦當以相別也杜子春云畫當為書玄謂畫畫雲氣也異

於在國軍事之飾 司常

王弓弧弓以授射甲革

椹質者夾弓庾弓以授射豻侯鳥獸者唐弓大弓以授

學射者使者勞者

射食亦反椹張林反夾古洽反庾一作庾豻音岸使所吏反 王弧夾庾

唐大六者弓異體之名也往體寡來體多曰王弧往體多來體寡曰夾庾往體來體若一曰唐大甲革革甲也春秋傳曰蹲甲而射之質正也樹椹以為射正射甲與椹試弓習武也豻侯五十步及射鳥獸皆近射也近射用弱弓則射大侯者用王弧射參侯者用唐大矣學射者弓用中後習強弱則易也使者勞者弓亦用中遠近

可也勞者勤勞王事若晉文侯文公受王弓矢之賜者
故書楛為報鄭司農云楛字或為報非是也圍師職曰
射則充楛質又此司弓矢職曰澤共射楛質之弓矢言
射楛質自有弓謂王弧弓也以此觀之言報質者非

其矢箛皆從其弓

箛音服從弓數也每弓者一箛百矢

凡弩夾庾利攻

守唐大利車戰野戰

攻城壘者與其自守者相迫近弱弩發疾也車戰野戰進退非強則

不及弩無王弧王弧恒服弦往體少者使矢不疾

凡矢枉矢絜矢利火射用諸

守城車戰殺矢鏃矢用諸近射田獵矰矢第矢用諸弋

射恒矢庫矢用諸散射

枉紆往反絜戶結反鏃音侯矰音增第音弗弋以隻反恒胡登

反庫方二反散素旦反

此八矢者弓弩各有四焉枉矢殺矢矰矢恒矢弓所用也絜矢鏃矢第矢庫矢弩所

用也枉矢者取名變星飛行有光今之飛矛是也或謂之兵矢絜矢象馬二者皆可結火以射敵守城車戰前於重後微輕行疾也殺矢言中則死鏃矢象馬鏃之言候也二者皆可以司候射敵之近者及禽獸前尤重中深而不可遠也結繳於矢謂之矰矰高也第矢象馬第之言制也二者皆可以弋飛鳥刺羅之也前於重又微輕行不低也詩云弋鳧與雁恒矢安居之矢也庫矢象馬二者皆可以散射也謂禮射及習射也前後訂其行平也凡矢之制枉天之屬五分二在前三在後殺矢之屬三分一在前二在後矰矢之屬七分三在前四在後恒矢之屬軒輶中所謂志也鄭司農云庫矢讀為人罷短之罷玄謂庫讀如痺病之痺痺之言倫比司弓矢

守邦國者用玉節守都鄙者用角節

謂諸侯於其國中公卿大夫王

子弟於其采邑有命者亦自有節以輔之王節之制以玉為之以命數為小大角用犀角其制未聞凡邦

國之使節山國用虎節土國用人節澤國用龍節皆金

也以英蕩輔之

使色吏反使節卿大夫聘於天子諸侯行道所執之信也土平地也山多虎

平地多人澤多龍以金為節鑄象馬必自以其國所多者於以相別為信明也今漢有銅虎符杜子春云蕩皆

為帑謂以函器盛此節或曰英蕩畫函門關用符節貨賄用璽節道路用

旌節皆有期以反節

門關司門司關也貨賄者主通貨賄之官謂司市也道路者主治五

涂之官謂鄉遂大夫也凡民遠出至於邦國邦國之民若來入由門者司門為之節由關者司關為之節其商則司市為之節其以徵令及家徙則鄉遂大夫為之節唯時事而行不出關不用節也變司市言貨賄者璽節主以通貨賄貨賄非必由市或資於民家焉變鄉遂言道路者容公邑及小都大都之吏皆主治五涂亦有民

也符節者如今宮中諸官詔符也璽節者今之印章也
旌節今使者所擁節是也將送者執此節以送行者皆
以道里日時課如今郵行有程矣以防容
姦擅有所通也凡節有法式藏於掌節
凡通達於天

下者必有節以傳輔之

必有節言遠行無有不得節而出者也輔之以傳者節為信耳

傳說所齋
操及所適

無節者有幾則不達

國土內之地官掌節

傳曰昔殷紂亂天下脯鬼侯以饗諸侯

以人肉為薦羞惡之甚也

是以周公相武王以伐紂武王崩成王幼弱周公踐

天子之位以治天下六年朝諸侯於明堂制禮作樂

頒度量而天下大服

相息亮反朝直遙反量音亮
踐猶履也頒讀為班度謂丈尺

高卑廣狹也量謂豆區斗斛筥筥所
容受 區鳥侯反筥音匡筥紀呂反

七年致政於成

王成王以周公為有勲勞於天下

致政以王事歸授之
王功曰勲事功曰勞

是以封周公於曲阜地方七百里革車千乘

乘繩證
反曲

阜魯地上公之封地方五百里加魯以四等之附庸
方百里者二十四并五五二十五積四十九開方之

得七百里革車兵車也千乘成國之賦也詩魯頌曰

王謂叔父建爾元子俾侯於魯大啓爾宇為周室輔

乃命魯公俾侯於東錫之山川上滕命魯公世世祀周
田附庸又曰公車千乘朱英綠滕

公以天子之禮樂

同之於周尊之
也魯公謂伯禽

是以魯君孟春乘

大路載弧韜旂十有二旒日月之章祀帝於郊配以

后稷天子之禮也

弧音胡，鞞音獨，旂其衣反，疏力求反。孟春建子之月，魯之始郊日。

以至大路，殷之祭天車也。弧，旌旗所以張幅也。其衣曰鞞，天子之旌旗畫日月。帝謂蒼帝靈威仰也。昊天

上帝，魯不祭。季夏六月，以禘禮祀周公於大廟，牲用白牡。

尊用犧象，山罍鬱尊，用黃目，灌用玉瓚，大圭薦用玉

豆，雕篋爵用玉琖，仍雕加以璧散，璧角俎用椀，歲升

歌清廟，下管象，朱干玉戚，冕而舞大武，皮弁素積，裼

而舞大夏，昧東夷之樂也。任南蠻之樂也。納夷蠻之

樂於大廟，言廣魯於天下也。

禘，大計反。大廟之大音泰。犧，素何反。罍，音雷。瓚，

才但反褻息緩反
居衛反褻星厯反
玳側眼反散先旦反
音妹任而林反
季夏建巳之

月也禘大祭也周公曰大廟魯公曰世室
尊酒器也犧尊以沙羽為畫飾象骨飾

之鬱鬯之器也黃彝也灌酌鬱尊以獻也
容五升以大圭為柄是謂圭瓚鬯屬也以竹為之

雕刻飾其直者也爵君所進於尸也仍因也
形為之飾也加加爵也散角皆以璧飾其口也

有四足也歲為之距清廟周頌也象謂周頌武也
管播之朱干赤大盾也戚斧也冕冠名也諸公之服

自衮冕而下如王之服也大武周舞也大夏夏舞也
周禮昧師掌教昧樂詩曰以雅以南以箛不厭廣大

也君卷冕立於阼夫人副褱立於房中君肉袒迎牲

於門夫人薦豆籩卿大夫贊君命婦贊夫人各揚其

職百官廢職服大刑

卷古本反禕音輝袒音誕首飾也今之步搖是也詩云副副

笄六珈周禮追師掌王后之首服為副禕王后之上服唯魯及王者之後夫人服之諸侯夫人則自掄翟而下贊佐也命婦於內則世婦也於外則大夫之妻也祭祀世婦以下佐夫人揚舉也大刑重罪也是

故夏禘秋嘗冬烝春社秋省而遂大蜡天子之祭也

禘音藥蜡仕嫁反不言春祠魯在東方王東巡守以春或闕之省讀為獮獮秋田名也春田祭社秋田祀祊大蜡

歲十二月索鬼神而祭之大廟天子明堂庫門天子皋門雉門天

子應門言廟及門如天子之制也天子五門皋庫雉應路魯有庫雉路則諸侯三門與皋之言高

也詩云乃立皋門應門將將振木鐸於朝天子之政也

鐸大各反朝直遙反天子山節藻栳復廟重檐刮
將發號令必以木鐸警衆

楹達鄉反坫出尊崇坫康圭疏屏天子之廟飾也栳

悅反復音福重直龍反檐以占反刮古八反鄉許亮
反坫丁念反山節刻樽盧為山也藻栳畫侏儒柱

為藻文也復廟重屋也重檐重承壁材也刮侏儒柱
鄉牖屬謂夾戶窓也每室八窓為四達反坫反爵之

坫也出尊當尊南也唯兩君為好既獻反爵於其上
禮君尊於兩楹之間崇高也康讀為亢龍之亢又為

高坫亢所受圭奠於上馬屏謂之樹今浮鸞車有虞
思也刻之為雲氣蟲獸如今闕上為之矣鸞車有虞

氏之路也鈎車夏后氏之路也大路殷路也乘路周

路也鈎古侯反乘繩證反鸞有鸞和也鈎有曲輿
者也大路木路也乘路玉路也漢祭天乘殷之

路也今謂之桑根車也春秋有虞氏之旂夏后氏之傳曰大路素鸞或為樂也

綏殷之大白周之大赤

四者旌旗之屬也綏當為綏讀如冠綦之綦有虞氏當言

綏夏后氏當言旂此蓋錯誤也綏謂注旄牛尾於杠首所謂大麾書云武王左杖黃鉞右秉白旄以麾周

禮王建大旂以賓建大赤以朝建大白以即戎建大麾以田也夏后氏駱馬黑鬣殷

人白馬黑首周人黃馬蕃鬣夏后氏牲尚黑殷白牡

周駢剛

駢音洛鬣力輒反蕃音煩駢息營反順正色也白馬黑鬣曰駢殷黑首為純白也駢

剛亦泰有虞氏之尊也山罍夏后氏之尊也著殷尊

也犧象周尊也

著直略反瓦著著地無足泰用

爵夏后氏以琖殷

以罍周以爵

罍古雅反
稼也詩曰洗爵奠罍

罍畫禾
灌尊夏后氏以雞

夷殷以罍周以黃目其勺夏后氏以龍勺殷以疏勺

周以蒲勺

勺市灼反
用雞彘鳥彘秋嘗冬烝裸用罍彘黃彘龍

夷讀為彘周禮春祠夏禴裸

龍頭也疏通刻其頭
蒲合蒲如鳧頭也

土鼓蕢桴葦籥伊耆氏之樂也

蕢苦對反桴音浮葦于鬼反
籥如笛三孔伊耆氏古天子有天下之號也今有姓

蕢當為凶聲之誤也

伊耆者拊搏玉磬拊擊大琴大瑟中琴小瑟四代之樂

器也

拊音甫搏音博拊居八反
之以禱形如小鼓拊擊謂祝

拊搏以韋為之充
致皆所以節樂者

也四代虞魯公之廟文世室也武公之廟武世室也
夏殷周也

此二廟象周有文王武王之廟也世室者不毀米廩之名也魯公伯禽也武公伯禽之玄孫也名教

有虞氏之庠也序夏后氏之序也瞽宗殷學也類宮

周學也

廩力甚反類音判庠序亦學也庠之言詳也於以考禮詳事也魯謂之米廩虞帝上孝

今藏菜盛之委焉序次序玉事也瞽宗樂師瞽矇之所宗也古者有道德者使教焉死則以為樂祖於此祭之類之言班也

崇鼎貫鼎大璜封父龜天子之器也

璜音黃父音甫崇貫封父皆國名文王伐崇古者伐國遷其重器以分同姓大璜夏后氏之璜春秋傳

曰分魯公以越棘大弓天子之戎器也越國名也棘夏后氏之璜越棘大弓天子之戎器也

曰子都夏后氏之鼓足殷楹鼓周縣鼓縣音玄足謂四足也楹

謂之柱貫中上出也縣縣之奠虞也垂之和鐘叔之
殷頌曰植我鼗鼓周頌曰應棘縣鼓

離磬女媧之笙簧夏后氏之龍箎虞殷之崇牙周之
壁琴有虞氏之兩敦夏后氏之四璉殷之六瑚周之
八簋俎有虞氏以椬夏后氏以歲殷以棋周以房俎
夏后氏以楛豆殷玉豆周獻豆有虞氏服韍夏后氏
山殷火周龍章有虞氏祭首夏后氏祭心殷祭肝周
祭肺夏后氏尚明水殷尚醴周尚酒有虞氏官五十
夏后氏官百殷二百周三百有虞氏之緌夏后氏之

綢練殷之崇牙周之璧翬凡四代之服器官魯兼用之是故魯王禮也天下以為有道之國是故天下資

禮樂焉

明堂位

昭公將攻季氏告子家駒曰季氏為

無道僭於公室久矣吾欲攻之何如子家駒曰諸侯僭於天子大夫僭於諸侯久矣昭公曰吾何僭矣哉子家駒曰設兩觀乘大路朱干玉戚以舞大夏八佾以舞大武此皆天子之禮也

儀禮集傳集註卷三十五